

列

朝

詩

集

列朝詩集

甲集第十三

危學士素 九首

張學士以寧 一百二十首

宋祭酒訥 三十首

危學士素

素字太樸金谿人至元元年入經筵爲檢討累遷至翰林學士承旨元亡召至南京洪武二年授翰林侍講學士知制誥同修國史三年兼弘文館學士俄有詔出居和州再歲而卒大兵之入燕也趨所居報恩寺入井寺僧大棒力挽起之曰國史非公莫知公死是死國史也兵垂及史庫言于主帥輦而出之累朝實錄得無恙入國朝甚見禮重上一日聞履聲問爲誰對曰老臣危素上不懌曰我道是文天祥來遂謫佃和州有文集五十卷宋元史槩若干卷皆失傳

徐人歌

季子劍有秋水色徐君見之惜不得徐君墓上荒草寒季子解劍掛樹間一死一生見交義嗟哉延陵吳季子

挽達兼善

大將忠精貫白日諸生攬涕讀哀詞天胡不隕揚行密公恨不爲張伯儀
滿眼陸梁皆小醜甘心一死是男兒要知汗竹畱芳日只在孤舟淺水時

題營丘山房

太岳流芳裔何年徙贛州殊勳思尚父作室表營丘故國兵戈後空山草
木秋穆陵關北路風雪近曾遊

送張幼初之京

振衣鳴玉上青霄銀漢清秋轉斗杓北闕飛龍天杳杳南雲歸雁路迢迢
朝登華岳風生腋夜飲灤河月入瓢水竹清虛好真儂劉安有賦爲相招

送章右丞戍廣西

文昌橋上紫騮嘶又送將軍戍廣西三省甲兵勞節制八蠻烟雨入封提
瑯弓曉射崖雲裂畫角寒吹海月低已喜皇威清海岱邑封上將拜金泥

題三韓沙門玉田花鳥圖

畫史幽居得物情毫端春色可憐生高僧已是禪心定花鳥逢人更不驚

南京別王道士

秦淮卧病惜春陰訪問深知故舊心千里家鄉漸投老雲山爛熳許相尋

題宋好古墨竹

我憶東曹粉署郎琅玕寫就拂雲長祗疑散步雲林曲獨聽秋聲待晚涼

題趙子昂竹石

叢篁偏映寒雲色古石猶凝碧藓痕曾是碧瀾堂上月獨臨茗水照王孫

張學士以寧

以寧字志道先世固始人宋南渡徙閩之古田家翠屏山下因號翠屏山人登泰定丁卯進士與其同年黃子肅江學庭俱有聲當代歷官郡邑世亂留滯江淮至正中官翰林學士承旨尋拜祭酒國初例徙南京復爲侍講學士使安南凡三往卒年七十以寧穿貫經史少以春秋登第作春秋胡傳辨疑晁爲辨博而春王正月考未就洪武二年夏卒業于安南之寓館明年春書成踰月病革作自挽詩而逝門人淮南石光霽輯其詩文有翠屏前後集

題尙仲良畫鷲卷

滄江雨疎疎翻飛一春鋤老樹如人立欲下意躊躇明年柳條長遮汝行

捕魚

峨眉亭

白酒雙銀瓶，獨酌峨眉亭。不見謫仙人，但見三山青。秋色淮上來，蒼然滿雲汀。欲將五十弦，彈與蛟龍聽。

題節婦卷

妾有匣中鏡，一破不復圓。妾有絃上絲，一斷不復彈。惟存古冰雪，爲妾作心肝。死者儻復生，剖與良人看。

四景山水

山雨瀑如雪，林寒松未花。遙看飛閣起，知有梵王家。一僧歸得晚，雲濕滿袈裟。

右春

崖斷石林合，風高雲葉飄。人歸雨脚外，高閣望中遙。應是天台路，幽期在

石橋。

右夏

秋巘白雲晚，霜林紅樹多。野橋山郭外，行子暮來過。爲問小搖落，江南今若何。

右秋

寒月白千峯，林深路絕踪。遙知僧定起，疎響在高松。亦欲剡溪去，其如山

海重右冬

送重峯阮子敬南還

君家重峯下我家大溪頭君家門前水我家門前流我行久別家思憶故鄉水何況故鄉人相見六千里十年在揚州五年在京城不見故鄉人見君難爲情見君情尚爾別君奈何許送君遠不堪憶君良獨苦君歸過溪上爲問水中魚別時魚尾赤別後今何如

題海陵石仲銘所藏淵明歸隱圖

昔無劉豫州隆中老諸葛所以陶彭澤歸興不可遏凌歊讌功臣旌旗蔽轆轤一壺從杖藜獨視天壤闊風吹黃金花南山在我闌蕭條蓬門秋稚子候明發豈知英雄人有志不得豁高詠荆軻篇颯然動毛髮

次韻黃觀復見貽古意

世本良家子環珮不下堂結髮承光寵被服蘭芷香援琴操國風古意何微茫君恩逾山岳妾命良自傷高堂拜明月爲妾照衣裳衣上羅帶長三歲不改芳豈慙下體薄所貴中懷臧願言充掃除矢心侍君王

遊句容同林景和縣尹子尚規登僧伽塔賦

嗟峨崇明塔拔地一千丈我攀青雲梯條到飛鳥上微風韻金鐸初日麗
銀榜維時十月交葉脫天宇曠羣山東南奔平川疊波浪雲間三茅峯圍
立儼相向碧瓦浮鱗鱗茲邑亦云壯雞鳴四關開攘攘異得喪塔中宴坐
僊憐汝在塵映古時登臨人今者亦何往俯觀世蜉蝣仰嘆彼龍象乃知
崑崙巔可以小穹壤同遊皆雋英超遙寄心賞霜颺天際來毛髮颯森爽
太白去千年吾何獨惆悵

題牧牛圖

返照在高樹歸牛度會坡一犢卒然赴其母老特反顧情何多牧兒見之
亦心惻人間母子當如何日暮倚門烏尾訛

分題蕪城煙雨送吳原哲致論

蕪城路年去年來自煙雨冉冉春濃濕燕絲濛濛曉暗迷鶯樹鮑昭愁絕
未歸來爲畫當時腸賦登高悵望正思君帆影微茫又東去

題畫山水二首

雲渺渺水依依人家春樹暗僧舍夕陽微扁舟一葉來何處定有詩人放
鶴歸

煙暝起雨疎來溪樹陰都合岩花濕更開安得身閑似鷗鳥盡情飛去復
飛回

題米元暉山水

高堂曉起山水入古色慳淡神靈集望中冥冥雲氣深祗恐春衣坐來濕
江風吹雨百花飛早晚持竿吾得歸身在江南圖畫裏令人却憶米元暉
江南曲

中原萬里莽空闊山過長江翠如潑樓臺高下垂柳陰絲管啁啾亂花發
北人却愛江南春穹碑城外如魚鱗青山江上何曾老曾見南人是北人
題日本僧雲山千里圖

天東日出天西入萬里龍鱗散原隰日東之僧度海來袖裏江山雲氣濕
願乘雲氣朝帝鄉大千世界觀毫芒却騎黃鶴過三島別後扶桑枝葉老
夜飲醉歸贈王伯純是日王得容程子初同飲

歲云暮矣客不樂青雨亭前翫孤鶴城頭惜惜雲下垂竹外騷騷雪微作
亭中王郎風格奇愛竹愛雪仍愛詩開尊酒好客更好坐中王程俱白着
紅爐照閣生春霧詩思騰騰天外去玉姬舞倦迴風來吹倒三山見瓊樹

馬蹄蹴響客歸時，
爾我更盡金屈卮。
塵空祗覺乾坤白，
飲醉那知賓主誰。
坐聞一聲兩聲折，
携燈起看竹上雪。
瑤華翠色森陸離，
人影燈光兩清絕。
却歸覓紙醉自題，
烏啼古寺風淒淒。
明年此夜知何處，
興發還應訪剡溪。

題李白問月圖

誰提明月天上懸，
九州蕩蕩清無煙。
天東天西走不駐，
姮娥鬢霜垂兩肩。
中有桂樹萬里長，
吳剛玉斧聲闐闐。
顧兔杵藥宵不眠，
天翁下視爲爾憐。
頗聞昔時錦袍客，
乃是月中之謫仙。
帝命和予羽衣曲，
虹橋一斷心茫然。
竹王祠前霧如雨，
躑躅花開啼杜鵑。
月在天上缺復圓，
人間塵土多英賢。
舉杯問月月不言，
風吹海水秋無邊。
滄波盡捲金尊裏，
清影長隨舞袖前。
相期迨迨在雲漢，
嗚呼此意誰能傳。

題趙子昂書杜少陵魏將軍歌贈錢雪界萬戶

獨不見唐時將軍魏氏雄，
鐵馬氣無青海戎。
杜陵老子歌都護，
臨江節士趨下風。
我朝錢侯岱岳秀，
英略與古將軍同。
投壺白日刺桐靜，
傳箭清霜篔簹竹。
空誰書此歌爲侯，
贈文章閣老吳興公。
侯昔受詔出閩闔，
黃金虎符白雪驄。
蒼溪之上見舅氏，
三珠耀日光瞳瞳。
公時揮灑神與力，
此詩此筆

絕代工廿年風雲萬變化貫月夜夜橫長虹公騎騏驎箕尾上侯射猛虎
南山中我爲侯歌愧才薄展卷況有杜陵翁樓船去冬下瀨水白氣穿纏
牛斗宮丈八蛇矛石二弓會血鯨鯢漲海紅錢侯錢侯莫袖手侯家帶礪
今元功

題郭誠之百馬圖

唐家羽林初百騎誰其畫之傳郭氏開元天觀四十萬爽氣雄姿那得似
風鬣霧鬣四百蹄或飲或屹長鳴嘶或翹或俯或騰躍意態變化浮雲齊
黃沙雲煖地椒濕什什爲曹競相及蹂躪秦原狐兔空蕩搖渭水蛟龍泣
前年括馬輸之官首蒿開花春風閑民間一駿豈復有何如飽在圖中看
郭君才越流輩百迴策蟻封人不識驕驪豈少伯樂無捲還畫圖三嘆息
王伯純讀書別墅晨起有懷縱筆奉寄伯純河東人寓居揚州有
別墅近邵伯鎮常蓄書於彼輒財好客誼侔古人且十甚高長

於詩後領所東鄉薦

數日有所思作詩無好趣思君讀書芳桂林睡起題詩有新句謝公堦上
棟花風密葉啼鶯綠如霧君如塵外鶴我似書中蠹人生知己海內稀縱

有參差不相遇咫尺思君知幾回
遠別懸知亦良苦草亭新竹長
昨夜邦溝雨思君持酒時心逐
江潮去明年柳暗金河路君馬
如龍轡如組而今壁上好題詩
記取王郎讀書處

題進士卜友會瘦馬圖

卜侯喜我詩袖出瘦馬圖前有杜陵瘦馬行
令我閣筆久嗟吁憶昔馬齒未長日金羈蹀躞
鳴天衢逐景虞泉口未哺羲和頓轡喘不蘇
石根一蹶亦常事誰遣逸足輕夷途霜風大澤
百草枯飲斃不飽長毛疎相者舉肥汝苦瘠委
棄乃在城東隅病頽有時磨古樹翻蹄無力衰
半燕當年笑殺紫燕愚中路清涕流鹽車嗟哉
此馬世罕有鴛駘多肉空數腴骨格稜層神
觀在頰類山澤之仙癯解劍贖汝歸伯樂今豈
無浴之萬里流秣以百東芻首藉花白春雲鋪
氣全或比新生駒持之西獻穆天子尚與八駿
爭先驅瑤池雲氣浮太虛日出積雪青禽呼
長望臨風心鬱紆

題張起原舟中看山圖

張侯往年官衡州州之名山無與儔
蒼旌羽節降白日紫蓋石廩騰清秋
侯也愛山得山趣似是昔時王子猷
每憐馬上看草草不得獨往探奇幽

茲辰歸來好風色熨平翠數鋪湘流中流容與沙棠舟舟中傲睨紫綺裘
青山喜人不肯走一一自獻當船頭掀髯轉盼領其妙誰歟知者雙蜚鷗
明霞返照儼不動白雲翠爐相與浮獨不見巴船捉拖水如箭盤渦轂轉
令人愁好山縱有豈暇賞急電一睡過雙眸古來會心亦良少千年幾見
斜川遊絕憐詩句餘秀色我起高咏心悠悠朱郎落筆宛飛動母乃親見
此景不嗟侯之意我亦有艇子况擊溪南洲秋山石上芝草長我獨胡爲
此淹留轉盼一作輟然

題馬致遠清溪曉渡圖

致遠廣西憲恭子璉從子亭

今晨高臥不出戶歲晏黃塵九達霧美人遠別索題詩眼明見此清溪之
曉渡溪傍秀林昨夜雨落花一寸無行路歌闌桃葉人斷腸艇子招招過
溪去紅日青霞半晦明白雲碧嶂相吞吐詩成君別我亦歸此景宛是經
行處我呼九曲峯前船君帆正渡瀟湘渚雁去冥冥紅葉天猿啼歷歷青
楓樹是時美人不相見我思美人美無度美人之材濟時具我老但有滄
洲趣他日開圖思我時溪上春深采芳杜

遊仙子次韻王子懋縣尹

月詩集日一三

下

白波如山多烈風海中不見安期翁十三真君喚我語拄杖擲作垂天虹
金雞啼落仙岩月桃花滿地胭脂雪扶桑曉日見蓬萊明霞萬里紅波熱
酒酣少住三千春下視城郭人民新仙家雞犬是麟鳳笑殺李白騎蒼鱗
瑤臺咫尺生烟靄昆侖不隔青天外寄聲白髮老劉郎辛苦茂陵望東海

林志尹秋江漁父圖

江風搖柳雲冥冥小艚釣歸湖滿汀賣魚得錢共秋酌白酒船頭青瓦瓶
樵青勸酒漁童舞擊甌唱歌無曲譜船前野鴨莫驚飛我有竹弓不射汝

倦繡篇爲雲中呂遵義作

麤蕪葉暗江雲暖翡翠單飛怨春晚陳女多情玉鏡分陸郎薄倖斑駁遠
寶鴨團爐百和香錦鴛方褥五文章陰陰垂柳籠書幌點點飛花落繡床
雙鸞欲寄金龜倩燕月吳雲不相見柔腸萬轉迤邐文亂緒千條縈弱線
女貞枝上燕雙棲夜合花前思欲迷停針嘿嘿無人會但覺春山兩葉低
曉嘶繡勒門前路夜炙銀燈帳中語指點香茸舊唾痕見妾朝朝斷腸處

洗衣曲同唐括子寬賦

洗衣女郎足如雪寒波曉浸鴉頭襪笑移纖笋整緇裙素腕微鳴玉條脫

羅衣淚粉痕斑斑欲洗未洗沉吟間波寒恐洗郎思去不洗復恐傷人看
紅顏娟娟照清泚祇惜芳年駛如水西風夢冷鴛鴦起露滴紅香藕花死
洗衣洗衣復洗衣小姑嗔妾歸去遲小姑十二方嬌癡此恨他年汝自知

題蘇昌齡畫

徐君遠從西江來親爲蘇子作松石松三千年鐵作膚石亦蒼寒太古色
幾株老木相因依氣格不敢與之敵洲前搖搖者舟子短棹滄江蕩晴碧
着子款歌於其中仰觀青天岸白曠是時東山月始出無邊露氣連赤壁
潛蛟出舞巢鵲翔江姬色動三太息眼中之人有太白風雲變態俱無跡
前輩風流今復闕人間絕景豈易得徐君更爲添野夫共泛靈槎卧吹笛

題徐君美山水圖

天雲濛濛江欲雨古木陰森精靈語春潮夜落富陽江短篷曉繫蒼厓樹
蓬間文人清隱者傲視滄浪吟太古蜺人捉魚貫楊柳沽酒欲歸沙店暮
掀髯以手招其來劃起沙汀數行鷺鷥飛不盡青天長漁舟散入蘆花霧
遠山近山無數青我恐斯人有新句酒船獨載西家施玉手冰盤行雪縷
酒酣竹弓抨野鴨笑調吳兒短蓑舞開圖興發思賦歸山水東南美無度

閩關水吟

閩關之水來隴頭排山下與閩溪流閩溪送客東南走直到嵩溪始分手
客居溪上雲幾重烏啼月出門前松天風吹雲數千里飄飄直度長江水
清淮浩蕩連黃河碧樹滿地黃雲多夢中長記關山路隴水潺湲似人語
覺來有書不得將海潮不上嵩溪陽平原春晚生芳草杜鵑聲裏令人老
行人歸來動十年潺湲隴水聲依然安得湘弦寫嗚咽彈作相思寄明月

題楊子文羅漢渡海圖

天台之東巨瀛海濛濛元氣浮無邊應真十六山中來徑渡萬里蛟鼉淵
巨靈前驅海若伏翠水帖帖開紅蓮神螭猛獸競軒翥穹龜巨魚相後先
一山浮玉當其前石室古蘚垂千年異人高居後衆鬼挽過巨浸如旋
貝宮神君迎且拜明星玉女爭花妍陰風黯淡百怪集夫容影影飛翩翩
石橋迴望渺何處紫翠明滅空雲烟問渠飛錫何所往母乃驚顧金仙
金仙雪山方宴坐笑汝狡獪何紛然書生平生未省見太息此畫人間傳
清時麟鳳在郊野白日杲杲行青天

題楊子第八港韓氏十景卷

白雲趙子詩句好三年不見心懔懔清晨小卷到我前萬里江天淨如掃揚州城高雲氣秋八公騎鶴時下游焦山丹井夜光嶽鍾聲曉入江南州埋輪人去英雄泣至今忠憤春潮急枉渚維舟竟日橫行人喚渡移時立絲絲垂柳鬱金黃渺渺流輝組練長殘陽欲沒明月出神山二點青螺光港口歸帆如鳥鷺雪暗江村不知處浦寒蘖白一漁歸沙淨江清羣雁聚金山山前楊子津舟中來往逐風塵江靈絕景闕之久持似瀟灑江居人草堂無貲髮欲白我與趙子俱爲客起來書罷十景圖目送飛漚下江碧

題沈良卿所藏界畫黃樓圖

饒君手持新畫圖起摩雙眼驚老夫高林葉響畫浙瀝平臯野色春模糊綺疏繡瓦細毫末雕拱朱甍盤鬱紆樓前磊落二長身幅中大帶皆文儒我疑岳陽或黃鶴此外風景江南無君云乃是徐州之黃樓令我悵然思大蘇洪河西來厚地裂蛟鰐拊舞號天吳飛樓雄壓城之隅萬馬蕭蕭東南趨是州項氏昔所都綠槍金鉞埋平蕪灑肝作書上明主遠略翻見英雄粗相携一笑視千古恐是昨者黃陳徒細看古意在絹素稍覺爽氣浮看須千年融結豈易得峨眉蒼草木今猶枯當時漂流江海遍終古志士長

嗟吁君到樓中若把酒明月正在青天孤

長江萬里圖爲同年汪華玉賦

鄒州太守吾同年香凝畫戟春風前談詩虛幌坐白晝忽見浩蕩萬里之
江天天開地闊鴻濛外風迴日動神靈會容旂翠節下威甦陰火明珠出
光怪西山雪水青霄來豁然峽斷長川開洞庭浪闊秋蕩漾漢陽樹遠雲
徘徊廬阜迢遙到牛渚複渚重洲散平楚布帆漠漠瓜步煙紅葉離離石
城雨山菴似聽鐘鳴野橋疑有行人行村墟微茫灌木暗絕境毫末俱
分明旅榜前頭更漁艇萬鴛鴦鴉動寒影水窮霞盡已欲無猶是海門秋
萬頃野人興發滄洲間欲呼艇子吾東還熟看乃是雲巢盡巧奪神力迴
天慳太守邀我題小草上有仙人處閣老開圖歡喜悲忽來令我何句不
能道仙人昔欲三神遊我居三神海上頭成連携我鼓琴處白浪如山龍
出遊夜夢從之看浴日十洲青小洪波赤仙人教讀新宮銘酒醒扶桑露
華白小山桂樹淮之洲雁影幾度空江秋嗚呼仙人不可見太守與我心
悠悠

題江仲暹聽鶴亭

仙鶴在人世長鳴思遠空有人秋水上倚杖月明中玉樹三更露銀河萬里風徘徊意無極遲爾出樊籠

送同年江學庭弟學文歸建昌

白髮江夫子青雲信獨稀故人長北望令弟又南歸庭樹鳥先喜江帆雁共飛東湖春色到日上君衣

送王伯純遊錢唐

君去波江春鶯花著處新湖山有喜氣天壤見斯人殘雪明松嶺閑雲傷葛巾平生塵外意於此得天真

題廣陵姚節婦卷

黃鶴不重適哀鳴常自憐披心當白日畱面觀黃泉寂寂誰能爾滔滔汝獨賢廣陵姚氏傳史館幾時編

題劉君濟青山白雲圖

野性夙所忻青山無垢氛落花一夜雨幽樹滿川雲鹿跡閑行見松香獨坐聞殷勤抬白鶴予亦離人羣

九江廟

遺臺上古城，劍氣夜崢嶸。天地英雄恨，春秋父老情。蜀崗來楚盡，淝水近江平。往事何勞問，長陵草自生。

春日懷李叔成上舍

今代李公子，詩看老杜親。江湖留雁久，風雨惱花頻。竹屋燈懸夕，柳瓢酒漾春。殷勤海子水，待汝濯紅塵。

夜飲蔣師文齋館

故人相與醉，虛幌坐來清。月色宛在地，鐘聲忽滿城。都將千載意，併作異鄉情。若買青山得，相携歲晚行。

題余寄菴卷

全真

窓過梅花月，簾浮栢子煙。人生如寄爾，吾意正翛然。江海虛舟外，乾坤短褐前。蓬萊清淺日，知子是歸年。

雨

歷歷愁心亂，迢迢客夢長。春帆江上雨，曉鏡鬢邊霜。啼鳥雲山靜，落花溪水香。家人亦念我，與爾黯相望。

崇德道中

慶日萊花稠晴風麥穗抽客心雙去翼詩夢
白鷗吳山明月到惻愴十年遊

扁舟廢塔巢蒼鶴長波漾

浙江

山從天目下潮到富陽迴此地扁舟去吾生
雲開明且須停棹呼兒看釣臺

幾度來林紅晚日落江白雨

過龍游

鷓首見龍游羣山翠浪流陽坡眠白犢陰洞
嚙舟呼兒具尊酒聽客說杭州

鎖蒼虬樹密雲藏屋灘長石

宿籌嶺

昔者屯兵盛甌閩此地分清時無寇盜比屋
樂耕耘澗響不知雨山高都

泊戚家堰遇風夜雷雨

高浪出魚龍舟師急捲篷雷聲過雲雨月暈
斷河風野闌人家外濤喧客

舒嘯軒

幽居蒼竹林永嘯白雲岑自吐虹蜺氣人聞鸞鳳音野烟喬木晚江雨落花深亦有東臯興何當一抱琴

八月至直沽

野灤天低水人家時兩三雁聲連漠北魚味勝江南雪擁蘆芽短寒禁柳眼緘持竿吾欲往拙宦白何堪

夜久

夜久未能寐春來空復情遠沙爭月色柔櫓助河聲客枕荒雞到漁歌宿鳥驚隣舟燈火亂早起又詩成

江干

江干望不極樓閣影繽紛水氣多爲兩人烟遠是雲予生何處落客路轉辛勤楊柳牽愁思和春上翠裙

題山水圖

山水坐來見翛然無俗氛碧岩虛夜月江樹靜秋雲鳥影似猶見猿聲疑或聞自憐歸未許遙憶武夷君

荆門關

車到荆門上舟移鉅野中河聲來汝濟山色見龜蒙楊柳烟深淺杏花春
白紅人家桑棗外猶是古人風

宿遷縣

今朝宿遷縣風急棹難停樹合藏深屋河移出遠汀山容雲冉冉水影日
冥冥柳色無南北春來不斷青

別王子懋趙德明

御河船上月相送到揚州共飲忽爲別獨吟方覺愁水花若渚晚雲樹浙
江稠歸雁長淮早裁詩寄與不

過常州

昔日延陵地城基麥秀間兵戈三戶少生齒百年還畫壁曾同看水田惜
未閑故人盧可及宿草在何山

近無錫道中

疊橋隨港直聯木護堤偏村落皆通水人家半繫船橋花香曙露楊葉淡
寒烟中土何寥廓黃沙人種田

舟中

嘆息舟人婦哀音此日來死生誰料得貧賤益堪哀去棹從渠駐歸心未
忍催春江昨夜雨花落滿蒼苔

泊湖頭水長

客路春將晚征帆日又曛深山昨夜雨流水滿溪雲渡黑漁舟集村空戍
鼓聞故園頻夢去植杖已堪耘

雨發常山

僕夫趣予起初日出林間旣雨縱橫水無雲遠近山馬嘶芳草去燕語落
花閑且喜邊陲定長逢戍卒還

分水舖道中

長憶閩中路今朝馬首東山高雲易雨谷響水多風蝶抱落花片鳥啼深
竹叢功名一畫餅身世獨飛蓬

賀禮部王尚書本中二十韻

孤竹先賢國三槐故相庭恭惟我文肅藉甚古儀刑金掌新卿月銀槎舊
客星青箱傳遠大綵筆動精靈右掖何清切中朝重委令判題花架粲嘖
咏竹泠泠宗伯司周典尚書管漢庭地華人更妙名盛德惟馨斗運天喉

舌雲飛雪羽翎趨朝羣驥曩開宴萬娉婷舞艷圍珠袖歌長簇錦屏
元映紫籟竹嬰垂青知貢春題榜焚香晝鎖廳爲公植桃李報國肯參苓
丹展更新詔蒼生望永寧芝泥看鳳下徽閣待鸞停傳說升調鼎匡衡奏
引經卽應清海岱還復禪云亭自晒依清樾猶慙泛梗萍早飛惟短翅終
願附青冥

送館主朝憲使之淮西四十韻

宇宙開昌運山川產蓋臣周邦多士貴魯國一儒真江海襟無際風雷筆
有神淵涵珠皎潔山立玉嶙峋剗切三千牘飛揚四十春粵從遊輦轂早
已冠成均泮水開重席中書擢薦紳贊戎淮甸左叅憲粵天垠南紀孤飛
隼中臺一角麟大聲搖列岳爽氣動高旻出使方廉察爲郎已選掄治邦
用輟典大禮佐宗禋筓立清班峻荷香紫橐新瓊林無橫賦肺石絕寃民
臺省流榮屢朝廷注意頻庸田俱利導在野不嘯呻全浙推崇劇雄藩藉
撫循申侯仍作翰名伯復來甸海舶回諸國星輅出八閩層城孤一掃絕
島獸皆馴水藻俱吾素珠犀詎爾珍繡衣才受斧芝檢又頒綸雲近蓬萊
陂河澄析木津紫垣依日月黃道上星辰鼎鉉須賢佐綱維借舊人飛霜

迎玉節沛雨逐朱輪包尹祠堂外張公水廟濱楚峯涼浸露肥浪淨無塵
秉筆應多暇題詩必絕倫列城俄鎮靜六轡更咨詢晚節看黃菊清秋倚
碧筠公心思綠野帝命簡彤宸昔者開科選先公贊國鈞文風今有賴盛
德豈無因骨相宵人薄心期令弟親同年俱踔厲此口獨沉淪戀主肝猶
赤思親鬢似銀十年長自苦孤志若爲伸豈意長淮客叨陪翹館賓銘心
感知己報德願終身

長蘆渡江往金陵

春日三竿上翠屏曉風五兩下蘆汀水兼天去無邊白山過江來不斷青
沙背潮迴平雁跡海門雨至帶龍腥昇平不復後庭曲睡起漁歌爛熳聽
喜丁仲容徵君至

題詩苦憶城南郭喜見歸來鶴姓丁雙鬢野風吹汝白一燈江雨向人青
志士長嗟靈壽杖史官獨失少微星瓊花照眼春無賴明日酌君雙玉瓶

次李宗烈韻二首

倒著烏紗醉幾回白鷗門外莫相猜浮生萬古有萬古濁酒一杯復一杯
棕葉響交風色異荳花飛滿雨聲來青燈獨似兒時好一卷遺書自闔關

坐來落葉兩三聲
野菊開時雨滿城
作客愁多仍歲晚
還家夢遠易天明
古時豪傑有遺恨
秋日溪山無俗情
君可歸歟吾未得
百年懷抱向誰傾

橫陽草堂次謝疊山韻

迥邈中州二水回
參差傑閣五雲開
銀鈞透壁詩人去
鐵笛裂岩仙客來
竹度蟬風涼白恰
松翻鶴露瀉清杯
何時夜半梅花月
溪上吟蓬帶雪推

秋登九江廟晚眺

黃花開後葉初霜
紫蠟肥時酒滿缸
羈旅已知浮世淡
登臨未覺壯心降
天垂去鳥低平楚
水學驚蛇到大江
目極孤雲鄉思亂
烟波空想白鷗雙

嚴子陵釣臺

故人已乘赤龍去
君獨羊裘釣月明
魯國高名懸宇宙
漢家小吏待公卿
天回御榻星辰動
人去空臺山水清
我欲長竿數千尺
坐來東海看潮生

次韻王尹夜泊獨柳

露月中天見絳河
黃流滿地漾金波
荒坡野火兼漁火
短棹吳歌和楚歌
去雁竟連家信杳
眠鷗未識客愁多
江南二月花如海
獨負歸期奈爾何

送僧遊杭

銅駝夜泣昔花冷
銀雁秋飛寶氣消
曾共殘僧披舊跡
尚憐故老話前朝
衲隨猿掛雲生樹
杯趨鷗還月上潮
師去新詩如見寄
白沙翠篠赤關橋

高郵

長陂雲氣滿淮東
下隱蛟龍萬仞宮
湖岸樓臺連海上
水田秔稻似吳中
古藤酒醒春風在
甕社珠寒夜月空
四海昇平須進酒
賣魚柳畔見南翁

題石生仲濂所藏李克孝竹木

息齋之孫李公子
盡將幽意入經營
修篁石上生雲氣
古木山中作雨聲
年來好畫不忍見
歲晏故園空復情
烏巾掛在長松樹
吾欲巢居逃姓名

登閩關

獨步青雲最上梯
八閩如井眼中低
泉鳴萬鼓動哀壑
山飲雙虹垂遠溪
家近尚無鴻雁信
客愁復有鷓鴣啼
書生未老疎狂意
更欲崑崙散馬蹄

答張約中見問

衰遲久讓祖生鞭
寂寞猶存鄭老氈
金馬隱來人豈識
木雞老去我方全
坐移棠樹庭前日
夢到榴花洞裏天
多謝故人勞遠問
蓋竿博士又三年

竿一作巾

儀真范氏義門

澆風久矣變淳源范氏猶稱古義門
四世於今千指盛十年似爾幾家存
棠華燁燁宜兄弟竹笋攢攢長子孫
故里相從何日遂秋風江上戰塵昏
太平太傅致仕卽賀相也

明公先葉國元功兩正台衡保始終
喬木世家今絕少黃華晚節古應同
平泉草木風煙外杜曲桑麻雨露中
從此昇平歌帝力爲農祇願歲長豐
和劉公藝暮春有感韻

醉夢還家醒未歸起尋墜萼惜流輝
靜聞白蟻如牛鬪閑看青蟲化蝶飛
日轉漸長添篆纒雨來忽冷覓羅衣
却思翠竹清溪路曛黑兒童候竹扉
送鐵元剛檢歸三山

公子高昌世貴家佩懸明月弄飛霞
仙方舊授壺公藥使節新乘博望槎
春暮日遲榕換葉晝庭風細荔吹花
烏臺消息明年近騄馬金河踏軟沙
次張祭酒虛游軒雨後卽事韻并憶揚州舊遊二首

墻角紅葵一丈開鶉鳩聲斷雨聲來
雨鳴竹屋詩新就日度花磚夢恰迴
露蔓蝸行經午濕風枝蟬語近秋哀
虛游軒裏涼如水自玩春秋著玉杯

百年何處好懷開
憶在揚州幾醉來
落日放船穿柳過
微風欹帽看花迴
卽今盡減尊前興
憶舊寧堪笛裏哀
一笑廣文官飯窄
論文那得酒盈杯

徐州霸王廟

長洪聲動楚山虛
太息彭城霸國餘
父老更堪秦暴虐
英雄空爲漢駢除
昔移玉帳蛛絲暗
柳繞黃樓雁影疎
獨有春風虞氏草
魂歸爲汝一沾裾

吳門懷古

曾見吳王歌舞時
遺臺廢苑不勝悲
春風雁唳菰蒲葉
夜月烏啼楊柳枝
有客買舟尋范蠡
無人穿塚近要離
館娃宮外繁花落
遊女長歌白紵詞

錢塘懷古

荷花桂子不勝悲
江介繁華異昔時
天目山來孤鳳歇
海門潮去六龍移
賈充誤世終無策
庾信哀時尚有詞
莫向中原誇絕景
西湖遺恨似西施

富陽南泊驟風雨

征夫直北厭風埃
南下蒲帆此日開
山遠蒼龍趨海去
潮喧鐵馬蹴江來
雲昏白日林如失
風約青天雨却迴
短髮枯欺予漸老
孤舟獨宿意難裁

七里下舟至爲山州旁羅店

懷玉山前似葉舟，臥看帆影晚悠悠。雲飛梨嶺先南去，水匯鄱江倒北流。
烟堵白花迷晚蝶，風林碧葉應啼鳩。去年此日隋隄柳，馬首青青客正愁。

過辛稼軒神道弔以詩

長嘯秋雲白日陰，太行天黨氣瀟森。英雄已盡中原淚，臣主元無北渡心。
年晚陰符仙蠹化，夜寒雄劍老龍吟。青山萬折東流去，春草鶉啼宰樹林。

題關上

黑崖削鐵立雲根，絕頂東西石峙門。兩戒山川分百粵，八州珠玉過中原。
會峯煖日迴羣雁，灌木高風嘯一猿。巖爾海隅民力困，灑肝誰爲叩天關。

過武夷

羽節霓旌蔽紫氛，幔亭高宴武夷君。虹橋一斷青冥隔，天樂多傳白晝聞。
岩掛玉機虛夜月，洞函金骨煖春雲。紫陽見說今猶在，拜乞刀圭儻汝分。

次韻士良子毅登雷破岩劉大王廟唱酬

紙掛高枝濕暝烟，乞靈多是往來船。雷轟古石猶遺跡，雨濕荒祠不記年。
護羽翠禽低隱竹，搖花白葦遠粘天。封侯萬里吾今老，早辦扁舟別計然。

贛州懣孤臺弔辛稼軒作

鬱孤臺前雙玉虹一杯遙此酌英雄風雲有恨古人老天地無情流水東
精衛飛沉滄海上鷓鴣啼斷晚山中清江不管人間事烟雨年年屬釣翁

送李叔成遊茅山

山頭丹光湧日紅不盡幡幢來碧空李白獨騎一赤鯉茅君導汝雙青童
織雲上衣櫛葉雨墜雪撲帽松花風仙人笑指海水落相約蓬萊之上宮

泊龜山

詩中之景指洪澤屯也

白波滉漾青天垂我行但覺官船遲微微樹短水盡處惓惓日薄風來時
椎牛掛席打菹客射鴨鳴弓踏浪兒漫郎頭白不稱意沽酒龜山歌竹枝

泊十八里塘

繫舟古柳根一大吠柴門欲記來時夜問人何處村

渡江

幾載途中月窺愁酒半酣送人楊柳色今日是江南

題道士青山白雲圖

四首

仙館白雲封青山第幾重道人時化鶴巢向最高松
行到溪源盡青山無俗氣道人拈鐵笛吹起滿川雲

只道溪源盡遙聞鐘磬音却尋流水去行盡白雲深
雲氣曉來濃前山失數峯道人夜作雨呼起碧潭龍

題月落潮生圖

參橫天末樹陰收風響蘆根海氣浮笑語漸聞燈漸近誰家江上早歸舟

木槿花

朝昏看開落一笑小牕中別種踏桃子千年一度紅

太和縣

曉掛船窓看蒼苔暝色分前山知有雨流出滿江雲

揚州廣城店

潮落邗江夜先將夢到家揚州無賴月獨自照瓊花

衢州詠爛柯山效宋體

人說仙家日月遲仙家日月轉堪悲誰將百歲人間事只換山中一局碁

戲作杭州歌二首

吳姬鮪冠望若空淚粧眼角暈嬌紅染得羅裙好顏色西湖新柳綠春風
西陵渡口潮水平十五五發舟行樓中燕子慣見客不怕渡頭津鼓聲

浙江亭沙漲十望

重到錢唐異昔時潮頭東擊遠洲移人間莫住三千歲滄海桑田幾許悲

次翰林都事拜住春日見寄韻

日高睡起小窓明飛絮遊絲弄畫晴忽憶金河年少夢柳陰騎馬聽流鶯

棠梨幽鳥

揚州舊夢隔天涯會醉春風阿那家幽鳥豈知人事恨依然啼殺野棠花

梨花錦鳩

一枝新雨帶啼鳩喚起春寒枝上頭說與朝來啼太苦洗粧纔了不禁愁

子願買紅酒

吳江紅酒紅如霞憶着故園桃李花羊角山前幾迴醉女須嗔汝未還家

嘉興有感陸宣公事

官家忘却奉天時歲晚忠州雨鬢絲今日北來車馬客夕陽欄下讀殘碑

過桐廬

江邊三月草凄凄綠樹蒼烟望欲迷細雨孤帆春睡起青山兩岸畫眉啼

過崇安宿赤石水灘不下舟

兩岸青山下建溪笋與輒輒坐雞棲人間最是吳兒樂一枕清風過浙西

有感

馬首桓州又懿州朔風秋冷黑貂裘可憐吹得頭如雪更上安南萬里舟

集外詩二首

賦段節婦

莫磨青銅鏡莫理冰絲絃黃鵠不重行女貞難再妍嗟嗟未亡人寂寂長
自憐百死何足惜但惜負所天嫁時舊巾櫛不忍棄且捐所天諒有知携
之見黃泉

春暉堂詩

上天生萬彙何物能報之所以古孝子感茲蓼莪詩况母紅芳年手提黃
口兒獨於霜雪際廻此陽春熙昔爲斷蓬根今如芳蘭枝母恩雖莫報子
職當何爲願將一寸草化作傾陽葵上以承君寵下以報母慈

宋祭酒訥

訥字仲敏滑縣人元末進士授鹽山知縣國初徵爲國子助教陞翰林學
士文淵閣大學士遷祭酒卒于官正德中謚文恪有西隱藁

壬子秋過故宮十九首

離宮別館樹森森秋色荒寒上苑深北塞君臣方駐足中華將帥已離心
興隆有管鸞笙歇劈正無官玉斧沉落日凭高望燕薊黃金臺上棘如林
技巧聲淫悞帝聰萬機誰爲代天工國中失鹿迷原草城上啼烏落井桐
駝鼓聲乾鸞輅遠馬駟筵罷革囊空不知金宋爲殷鑒漫說東皇曆數終
禁路隨人不忍行臨風立馬倍傷情千年王室山河壯萬里官車社稷輕
金鼎夔龍典聖殿紫駝部落受降城憑誰爲問天魔女唱得陳宮玉樹聲
萬國朝宗拜紫宸于今誰望屬車塵名聞少室徵奇士驛斷高麗進美人
朝會寶燈沉轉漏授時王曆罷頒春街頭野服儒冠老曾是花塲視草臣
六宮春色一宵殘夷難何人策治安去國登瀛唐學士降城執戟漢材官
瑤宮有扇捐金雀紫塞無旗捲角端花柳亦知宮女散粧紅翠簇金鑿
土木窮奢過楚臺披香積翠滿蓬萊宮鴉驚月雜人去戎馬騰雲虎士來
侍從嚴徐冠蓋散煖調楊李棟梁摧燕歌趙舞終朝夕不覺嬉遊是禍胎
扶運匡時計已差青山重疊故京遮九華宮殿燕王府百辟門庭戍卒家
文武衣冠更制度綺羅巷陌失繁華毬車盡載天魔去唯有鶯啼御苑花

黃葉西風海子橋橋頭行客弔前朝
鳳凰城改佳遊楸龍虎臺荒王氣消
十六天魔金屋貯八千霜塞玉鞭搖
不知亡國瀟溝水依舊東風接海潮
鬱葱佳氣散無踪宮外行人認九重
一曲歌殘羽衣舞五更粧罷景陽鐘
雲間有閣摧雙鳳天外無車駕六龍
欲訪當時泛舟處滿池風雨脫芙蓉
五雲雙闕俯人間歲晏天王狩未還
鸚鵡認人宮漏斷水沉銷篆御床閑
朝儀無復鳳雲會郊祀空遺日月顏
莫向邊陲動戎馬漢兵已過鐵門關
一作漢家今已寒三關

樂京南下是中華夜出居庸去路差
何處又栖王謝燕故侯誰種邵平瓜
九重門闥入騎馬萬歲山空樹集鴉
獨有天池秋水滿西風吹入釣魚槎
仙裳宮袖擁龍舟一夕兵來罷盛遊
萬戶千門銀燭冷六軍百職布袍秋
御橋路壞盤龍石金水河成飲馬溝
日暮胡笳和羌笛舞兒羞見錦纏頭
萬年海岳作金湯一望淒然感恨長
禾黍秋風周洛邑山河殘照漢咸陽
上林春去官花落金水霜來御柳黃
虎衛龍輝人不見戍兵騎馬出蕭牆
漢皇愛舞起龍船錦纜香維御柳烟
侍女爭開粧鏡匣後宮不理敗弓絃
青油幕下登壇將金馬門空待詔賢
惟有廣寒西畔栢不知爭戰翠參天

清寧宮殿閉殘花塵世回頭換物華寶鼎百年歸漢室錦帆千古似隋家
後宮鸞鏡投江渚北狩龍旗沒塞沙想見扶蘇城上月照入清淚落胡笳
瑤臺瓊室倚清虛佳氣潛消諫疏疎帥聞有兵空虎衛經筵無講逐鑿與
侯封一代皇孫爵帝紀千年太史書斜日五雲坊下路老儒騎馬重躊躇
黼座簪裳列俊髦禁闌環珮立仙曹兩京臺閣工輪巧四海塗泥赤子勞
端本有書遺鶴禁宣文無客進龍翰拂郎天馬空踰海不駕朝元玉輅高
事事傷心亂若絲宮前重詠黍離詩百年禮樂華夷主一旦干戈喪亂師
鳳詔用非麟閣老雉門降是羽林兒行人莫上城樓望惟有山河似舊時
雲霄宮闕錦山川不在穹廡毳帳前螢燭夜遊隋苑而羊車春醉首嬋娟
翠華去國三千里玉璽傳家四十年今日消沉何處問居庸關外草連天

客北平聞行人之語感而成詩四首

虎將朱旗直指燕燕山王氣便蕭然輟如晉武平吳日遠似唐皇幸蜀年
朝市夜沉三輔月禁闌寒斷六宮煙延春閣上秋風早散作哀音泣播遷
將士城門解甲初不知相府已收圖霓裳宮女吳船載胡服朝臣漢驛趨
甲第松筠幾家在名園花草一時無行人千步廊前過猶指宮牆說大都

相臣無策奏巖廊，傾國傾城總禍殃。同輦誰辭婕妤詔，後庭多學麗華粧。
出牆御柳先零雨，入塞宮花半謝霜。畢竟玉顏成底事，空遺殘粉污椒房。
幾迴人起亂中華，僭賞輕頒將相麻。示儉巖宸空植草，助嬌上苑浪移花。
當年翠輦三山路，此日羶車萬里沙。自古國亡緣女禍，天魔直舞到天涯。

用韵答趙樵山見和二首

半年學稼入田中，時訪村西鶴髮翁。草徑暖烟晨牧犢，蓬窓秋雨夜聞鴻。
瓜香果熟園林趣，酒濁雞肥里社風。野鳥不知興廢事，爭枝擇樹滿林同。
故里初歸整頓中，草堂欲學浣花翁。芳樽酒熟濃浮蟻，老眼詩成遠送鴻。
晚節半籬黃菊露，秋聲一榻碧梧風。于今只有樵山在，暮景何妨事事同。

霍元方辭訓導之職來歸東崖故居再用前韻賀之

舊隱高崖曲岸中，瘵饑歸作採芝翁。無人徑造依亭竹，有子書追戲海鴻。
門外小舸漁笛月，籬東矮屋酒旗風。先生襟韻知何似，秋菊春蘭臭味同。

歸來卽事再用前韻寄霍東崖元方四首

田園兵後草萊中，未要忘機論海翁。茅屋四鄰羅鳥雀，蕪詞一紙託鱗鴻。
蚕桑雞黍家家事，燕麥芡葵處處風。何日相期歸舊隱，木邊林下著叅同。

繁華市井冷灰中去亂兒歸牛是翁一塔有巢留怪鶴兩潭無水著沙鴻
興如張翰思吳俗心似鍾儀樂楚風故國遺民說華表人非城是古今同
行止常驚坎窞中衰年欲作嘯嘯翁才華不是鳴陽鳳踪迹渾如踏雪鴻
黃犢隴頭簑笠雨白駒場上几筵風祇知此意堪娛老未信先生不我同
頭臙羞到鏡心中得失何須問塞翁隱變潛斑知霧豹去寒就暖見雲鴻
夢回先壠松楸雪腸斷空城草木風歛帽短衫林樹下不妨言笑里夫同

列朝詩集

甲集第十三終

列朝詩集

甲集第十三
補詩

危學士素

遊廬山栖賢寺

弱冠好山水，劫來廬阜陽。
憇澗微雨至，入林春風香。
載經三峽橋，地嶺聞鏗鏘。
解帶綠石磴，愛此泉流長。
世疑凝素乳，灑樹見飛霜。
冷空曲澗湛涵清，光五老九千仞。
巉絕天中央，紫烟射仙壑。
白雲冠僧坊，幽思稍愴悅。
良朋共翔翔，訪古慕宗向。
悟玄愧裘揚，超然色界遊。
回窅大無方，終當畢吾志。
混迹麋鹿行。

宋祭酒訥

雙蟹敬收寄段攝中誼齋

無腸公子舊知名，風味非糟亦自清。
祗信海霜肥郭索，須勞野火照橫行。
兩螯白雪堆盤重，一殼黃金上箸輕。
公退避寒應買酒，獻芹毋笑野人誠。
吳興唐子華畫雲山小景圖

君不見夏圭寫漁郎春霧時，江山半入無聲詩。
又不見馬麟畫作關山

秋色圖千里風烟來座隅夏圭馬麟去已遠一入九原呼不返只今畫者
亂如麻吳興近數唐子華子華非夏亦非馬得意雲山白揮灑一幅生綃
不滿尺平遠高深生筆下恍如坐我武夷山主人見客開柴關幽蹊曲徑
歸路迷白雲引出青松間又如坐我瀟湘側漁子織舟來逐客水邊籬落
自成村竹望九疑江樹隔兩岸人家茅蓋亭過橋二老指山青飛泉絡層
石古木挂寒藤晴窗忽看不似畫霏丹凝翠疑天生相對融心神頓覺塵
夢醒疎懶胸中有丘壑得此珍藏作清樂平生寓意不留意一朝笑贈美
蓉慎芙蓉帳底風流宿高堂掛壁無紅塵公餘把酒自怡悅便是雲山圖
上人

列朝詩集

甲集第十三
補八

錙學士三吾

三吾字如孫字坦坦南茶陵人父耕孫字平野元末翰林學士有平野先生集元末公避兵廣西行省承制提舉靖江學內附後歸茶陵洪武十八年用薦除左贊善二十一年撰御製洪範注後序稱旨升學士三年考滿吏部以老不稱職請黜上宥之給半俸年七十九矣明年京宮隣其老令支全俸二十六年外孫單慶坐藍黨伏誅女良玉黥刺發棗嶺房奉旨開任明年選職三十年主考會試會試以多中南人坐罪鄭曉名臣記云三十年六月學士錙三吾暴卒雷禮王世貞年表皆云是年典刑所謂暴卒者曉之史例也考錙學士文集嘗以三十年冬十月奉敕撰黔國公吳復碑安得死於六月集載敕下御製大明一統賦尊稱我聖祖聖后儲君有象賢之器羣胤皆屏翰之英乃建文初奉敕撰者學士之不死于洪武明矣按丁丑會試北士多被黜落諸生上言三吾等南人私其鄉上命官再考或言考官錙三吾白信稻屬侍讀張信等以陋卷呈進上大怒親賜策

問覆閱取六十人白信稻張信等皆磔死三吾以老成邊世傳春榜夏榜
又傳南北榜進士黃瑜雙槐歲抄記載最核而世貞科試考亦因之已自
訂其年表之謬矣周藩宗正睦擇作春秋指疑序云永樂中命學士編三
吾修春秋大全睦擇於宗老中敢爲博洽其言必有所據俟詳考之可也
學士考于文學典司文章當宿老凋謝之日朝廷大制作皆出其手其文
尙棘不中程度殊乖國初典雅之風教習修書屢忤上旨以老獲宥而上
之禮遇視金華諸老始懸絕矣史家稱其備顧問與密議抗論建旨有秦晉
二王之對皆附會之語也

登城感事

華表愁聞鶴語聲女牆自照月華明在秦本有關中險散楚其如垓下兵
百戰山河唯骨在萬年壁壘爲誰城興來不敢閒登覽祇恐新亭感慨生
與光復初州判

左身癯痺耳仍聾近被刀傷更怯風亦有將軍憤杜甫豈無高弟念王通
弊廬漫枉過朝使束帛終難強病翁欲涉湘江采蘅杜美人遙隔暮雲中

興伯兄存吾推官

天曆庚午進士署高城門曰身職
下士同甘苦皆與高城共死生

寸心忠厚古人流，雨鬢風霜爲國憂。
黃甲題名前進士，白頭死難古宜州。
高城留得萇弘血，故友應同李黼遊。
弱弟白翎無氣力，未能申請速旋旒。

哭從兄並吾教諭

多年大治之官去，近日哀音始得聞。
竭角抵緣爭戰久，爲原遂有死生分。
可憐伯道終無後，誰憶中郎所著文。
想見散花洲渚上，至今猶自結愁雲。

追輓海清臣全子仁兩尚書

鬱姑臺下戰多時，愛起蕭牆遂不支。
祀子方通北門管，漢家已拔趙軍旗。
孤忠不遂尚書志，一死唯期聖主知。
想見江東橋上路，至今猶自血淋漓。

弔鄧左丞

二首 忠臣

篋篋爲城一水旁，誰將孤壘捍瀟湘。
左丞親獎三軍士，諸將皆成百鍊剛。
高密信爲功第一，孔明如在國寧亡。
上游緣此無藩蔽，徒使英雄倍感傷。
中山昔厲忠君志，左轄今推報國誠。
一死有光諸宰輔，九京無愧舊門生。
雁聲愁過衡陽浦，江瀨悲鳴二水城。
欲弔英雄已無迹，湘空瑟瑟罷月淒清。

哭憲僉帖君澤

不死清湘死桂城，惟天可表此忠貞。
諸賢坐失同盟約，一木難支大厦傾。

臨難僑臣能死節沈芳國史定標名北門留得模糊血歲歲惟應勁艸生

弔老樵史趙元隆

疾風勁艸昔人言臨難知君有講論江相自投信州沼敬翔肯入大梁門夕陽冷落前山路夜月淒涼故里魂後死文臺再知已何由蕉荔薦芳尊

湘南雜詠 三首

大屢原非一木支諸賢坐失有為時不緣天上雲龍會誰解湘南蝸蚌持垂翅夕陽鴻去遠游神華表鶴歸遲爭如滙鷲忘機好依舊無心在水湄遣使頻年赴帝京名為計事豈真情鄂垣僅有湘南地朝野猶誇紙上兵諸鎮一如唐末歲孤忠誰是李長城山河依舊天如水愁聽寒鴉日暮聲于闐幾載洮陽上臨難方圖籍寇兵但說調鷹鷂可食寧知蒼虎患非輕塗窮反噬三湘地風靡長舉入桂城常武不歌天亦老琵琶又作過船聲

粵城懷古

五年城裏一枰棋當局安危總不知吏部漢官膠柱瑟右丞改調豎降旗園林別有鶯花主江海都無蝸蚌持孤見越王臺叫艸春來依舊艸離離

姑蘇卽事

姑蘇自王亦豪雄，憑屏東南。一旦空使脊爲誰，歸火底，仔細面見江東。
王封有媿，非殊錫虎，去無碑可表忠。梗稻孤今誰阻，邊海門元與直沽通。

追軼忠襄王

相王微下青齊地，七十餘城。一檄傳諸葛未亡，將復漢。李彭遠先豈非天。
蛟龍泣下三秋雨，曉虎愁連萬竈烟。先志克申，仇亦復。誰知今子總戎賢。
此皆學士在粵西及歸楚之作，其語意感激不忘故國，始亦有單肩之志乎。

吳東閣沈

沈字滂仲蘭，谿人。元禮部郎中師道之子，以家學自振。國初召爲翰林待
制，尋升東閣大學士，以文學被寵。後以懿文太子故被讒，死于獄。朝野
憐之，東閣詩有風清霧捲，明東望野迥，天垂出太行，星環太乙尊。黃道日
麗層霄映翠華，九成殿上飛金雀。萬成山中舞碧鸞，之句皆應制中琅琅
者也。

內苑花

神州十景之二

羯鼓深宮不用催，東風昨夜領春來。萬年枝上紅雲擁，五色屏中紺綉開。

芳影參差搖太液香風浩蕩繞蓬萊至尊遲日應多暇詔許羣臣舉壽杯

都門標

不與人間管別離生來福地傍京師根蟠鳳苑臨溝水影拂鸞輿映羽旗
萬樹屯營春細細千條夾輦雨絲絲長風更作飛花舞吹入宮雉照御池

列朝詩集

甲集第十四

滕尚書毅

七首

楊尚書訓文

三首

詹承旨同

二十一首

魏蘇州觀

三十首

熊經歷昂

三首

周尚書浪

五首

劉司業崧

七十四首

劉僉事丞直

五首

黃尚書肅

一十一首

牛尚書諒

四首

朱尚書夢炎

四首

李尚書質

二首

吳尚書雲

二首

蘭府尹以權

一首

吳殿學伯宗

二首

李尚書克正

一首

林翰林公慶

四首

桂右傅德稱

一首

滕尚書毅

毅字仲弘鎮江人以儒士徵從事徐相國幕下授起居注洪武元年初設六部首擢吏部尚書九月叅政江西

攸行

虞卿雙白望籜連千黃金重輒豈在彼在此方寸心聲名落天地輝采流
古今沒齒無一稱終將媿朝簪晨趨蝸石下夕過鷺閣陰茲焉復申命載
道荆山南園中牧龍媒韞上馴鷲禽豈徒飽芻肉神俊令銷沉揚舫大江
水弭節春樹林高高向明月聊用開吾襟

靈應祠

吳船何汗漫周道正倭遲雪涌蝦蟆焙花深石馬祠焚蘭瞻玉座析羽動
金支靈降雲如綵巫歌月在帷林高懸薛荔洲近被江離小駐娛今夕前
驅恐後期報傳唯好語行邁藉蕃禧願沛霑民澤微洎敢自私

三閭大夫祠

檐帷褰薄暮迴颺吹白雲下有栖神宇慘淡臨江濱行吟既不返遺響寧
再聞綠榮並丹綵婉爾含清芬沐芳正冠佩酌水炷夕熏長歌靈谷應春
思何紛紛頌言卜瓊茅巫咸不可群渚宮瑩儀羽再拜雲中君

秭歸卽楚王臺舊基爲新賦

春風蕪子國落日楚王臺江繞西陵下雲從上峽來壯遊今已遂幽思獨
難裁閑塞猶戎馬吟邊首重回

采石

騎鯨仙人海上歸至今艸木猶清輝
千山落日送樵笛萬里長風吹客衣
春空蛾眉浮翠黛夜光犀渚沉珠璣
神遊故國應過此高冢臨流知是非

次韻黃秀才秋興

二首

西風如水洒絺衣無數南來候雁飛
朔漠地寒收王氣岷峩秋盡歛餘輝
三泉忽報金棺葬萬國同瞻玉輿歸
相見不須談往事百年耆舊眼中稀
虎戰龍爭二十秋江波日夜白東流
道傍無語王孫泣天際含頰帝子愁
首蒼風相空壁壘兼葭霜露滿汀洲
古來惟有西山月未夜依依照白頭

楊尚書誄文

訓文字克明潼川人元淮海書院山長
遇亂遂居江都吳元年徵爲起居
注兩遷左司郎中洪武三年禮部尚書
四年改戶部出叅政河南五年卒

春日遊真常觀

携琴偶獨來尋幽入芳樹林深鳥聲寂
坐久澹忘慮振衣下崇岡斜陽在
歸路

寄石仲文

故人別後復如何不寄新詩到薛蘿
賈誼書成何日上張衡愁比向時多
江城木落霜連地澤國天寒水不波
重約明年秋八月紫薇花底共鳴珂

贈友

與子分携後星霜二十年重逢驚老大
惜別更留連花落春江雨鶻啼綠
樹烟幽懷浩難寫愁墮酒尊前

詹承旨同

同字同文婺源人初名書元末爲郴州路學正遇亂家黃州事陳氏爲翰林學士承旨兼御史歸附賜今名授國子博士直起居注陞翰林學士承旨兼吏部尚書致仕復起爲承旨卒宋景濂序其集謂其酒酣耳熱捉筆四顧文氣網緼從口鼻間流出頃刻盈紙爛爛皆成五采其推服之如此

張氏白石山房詩

浦江有名山白石如積雪玉氣亘中天
龍湫無六月于茲隱君子結屋依
翠微讀書口平樹看泉風滿衣
誰謂野鷗姿從心自飲啄一落樊籠間清
夢繞巖壑豈不念白石好鍊五色紋
敝之補天手端卧山中雲

松澗亭

澗上長松一百尺，松花落澗流香雪。仙人皮度晴空飛瀑，隨風灑秋。日高人於此構小亭，上有雲氣山青靄。昨日客來覓琥珀，旋汲清泉煮茯苓。

清江曲送宋尚德自峽中回

清江水清峽水黃，清江之上多綠楊。浣花女兒立沙際，青裙白足如秋霜。蜀山雪消十日雨，一夜扁舟欲齊樹。兩岸猿聲不肯休，休送君流向峽州去。

公無渡河

江上春來風雨惡，大浪小浪江中作。一葦之航何足云，蕩漾中流幾飄泊。人鮮瓮鬼門闕下，隔深淵咫尺間。飢蛟食人骨如山，公無渡河當早還。

古釵歎

黃金作釵分兩股，青髻如雲鳳雙舞。照見胭脂井水香，後主宮中數千女。一朝野花成綺羅，但見兔跡狐踪多。有人拾得古釵賣，腸斷當年玉樹歌。

蒿里

城中市聲如海水，紛紛甲第連雲起。自從秦鹿走中原，蓬蒿長徧鳴珂里。夜深鬼語風吹沙，光怪走地圓如瓜。兔葵燕麥茫茫地，盡是當年宰相家。

前有尊酒行

前有一尊酒後有三尺墳墳前兩樹花墳中不知春分明記得墳中鬼曾共當年飲酒人

狹路相逢行

上有千丈之崖古鐵色下有無底之潭水俱黑中間小道石艱澁君馬南我車北狹路相逢何偏仄安得來往如康莊兩賢相讓無相阨

秋夜吟

桂樹叢叢月如霧山中故人讀書處白露濕衣不可去

送蔚教授歸襄陽分題得解珮渚

襄陽城外西南阿秋風江渚生白波渚宮神女老龍子手把瑤華雙踏歌雙踏歌醉晴日嬌比春花紅欲滴紫綃衣袂青霞裳綠髻如雲高一尺珮環解下明月珠五色虹光照秋碧鄭生所遇天下奇樂莫樂今初相知柔田滄海幾更變天上人間多別離蔚君家在襄陽住皎皎清標類交甫携琴合向萬山中莫作書堂近江渚向來神女亦化龍時復弄珠起風雨

訪弟長沙霍元瞻雪夜爲作秋山圖

我愛霍元瞻清標如玉雪蒼松立石崖白鷗鳴海月瘦馬衝寒冰在鬢日

暮去訪元瞻，居高堂中。夜燒長燭，爲我寫出秋山圖。墨池水凍，筆如銀使。我見之喜，且愕雲氣忽從衡嶽來。雨霽，似向瀟湘落。二客蘭舟泊遠沙，一箇茆亭在陰壑。感君厚意，不可量。我欲留爾明珠璫，買傳祠前相別去。挂

在鵲山青艸堂。

題定子靜山陰艸堂馬九霄爲之篆扁。

艸堂正在匡廬山，山陰綠玉相對閑。雲從雙劍峰前下，潮到小孤江上還。茶烟滿室寫墨竹，花雨一簾觀白鵝。誰以南宮能篆古，爲君高置軒牕間。

飲楊廉夫挂額樓時余奉命徵賢松江故有此作。

飛樓高出市塵表，萬丈文光照紫微。洞仙曾與鐵爲笛，天女或裁霞作衣。酒酣尚欲招鶴舞，詩狂未可騎鯨歸。休喚小瓊歌白雪，自有紫簫吹落暉。

奇方壺道人

海上神仙館，天邊處士星。卧雲歌酒德，對雨著茶經。石洞龍嘘氣，松巢鶴

墜翎。都將金玉句，一一寫空青。

送黎蘭谷游永州

舟子開帆日，天風吹雪時。閩河歲將晏，荆楚客何之。水接三苗國，雲迷二

女祠經過逢北鴈應有寄來詩

送徐復初海道知事

東連樓船白粲多紫髯英氣有誰過礮車雲起天垂野
颶母風來雪湧波海上神仙見徐福閨中父老識蕭何
幕賓不盡長才用早晚薇垣響珮珂

秋夜書懷簡李希吉

江皋秋水明晚霞江城秋滿詩人家雙杵隔墻夜敲月
一燈向壁寒生花烏鵲驚風繞紅樹紫蠟帶霜行白沙
清虛之府入幽夢醒看河漢思乘槎

題水殿納涼圖

湖上闌干百尺臺臺邊水殿倚雲開紅橋人隔荷花語
玉盃金盤進雪來舟過黃陵廟

入峽二首

黃牛廟下水如弦白狗峽中數尺天自文臺春上巴蜀
巖花無數照江船歸州女兒採薪婦荷葉遮頭雨溼衣
不怕山邊石路滑竹籃在背走如飛

魏蘇州觀

觀字杞山蒲圻人元季隱居讀書蒲山太祖下武昌聘授平江州學正遷國子助教進湖東內道僉事兩湖都轉鹽運使入爲起居注進太常卿翰林侍讀學士侍皇太子及秦晉楚諸王授經遷國子祭酒年六十有六矣以衰薨乞歸賜叅政俸優贍于家既行復召還與詹同宋濂賜宴奉天門命各賦詩以紀其事五年命知蘇州府三載政化翕然修復府治坐誣獲罪以死詔有司歸塋武昌蘇人李應禎曰魏公守吾蘇之三年實洪武七年也以府舊治嘗爲僭竊者所據今治隘弗稱因圖復之吳地多水患郡城河道頗加浚焉爲御史張度所劾以爲非時病民至危言以動上遂得罪以死吾鄉高啟王彝皆與其難聞諸故老言如此今閣老彭公謂公死陷于豪民之誣亦據其家云爾事非實也

建惠溪漲大作感懷二首

邪陰翳長空日色澹於土雷雨連山來萬物昏莫睹溪流渺無涘闔闔入煙浦牧伯吁可憐沾衣悼民苦慈心偶昭著憂患竟無補先王有成憲治政當法古二氣隨感乎鐵炭驗昂俯登崇中正疇屏斥諛佞伍澤梁省征稅凋瘵盡緩撫腸谷回精光天淵底寧所箇異由是消末錫恩意溥

久雨逢戊晴戊日雨不止羽氣淒乘宮土德淪不紀曉曉陰晦疑四野連
蓄水絕壁洄衝波玄林渺中注下上鷗鷺馴沉浮蜃蛟喜田廬聚岑阿漁
艇繫桑梓官租欲誰徵軍乏且無已爰軫昏墊情因究疏濬理悠悠古聖
人惟日思復起

至嚴州遺文員外煥代致其母平安意也

升堂拜慈母容色穆以和兩孫慰目
撫摩問我之金華與子相見麼再拜
處居有那行行及二句始達江之沱
來又恐說者詭同袍重交遊爲子咲
盃傾倒不覺衰顏酖西軒儘瀟洒地
銀燈漏疎檮照見庭前莎高踞嚴武
譚詞雖然出歡愛狂簡同一科睡覺
衣舞淒淒明發不可雷王事毋蹉跎
窮徧舟沂晴波

前爛爛瓊玉柯呼名使之拜拜罷仍
覆毋言道取嚴陵過平安致母辭所
殷勤上槐省開子行已他儲繫早晚
且歌香篆紫薇花酒泛金叵羅好懷
僻情不頗風生絲槐枝月轉烏龍坡
床微作杜甫哦背公憐髦荒不復加
雙目明殘星在銀河慨然會真意披
題詩最佳友美玉思琢磨間情渺無

大同江口舍舟而塗抵樊昌

四十里紀實

扁舟畏風濤上馬遵大路馬喜大路
顛仆呼奴執其轡控馭使徐步前村
膳爰不誤少頃聞病翁叫出蓬首媼
兵兒小當逋舖翁病經半年寒餒缺
要收絲荒畝要輸賦誅求里長急青
迫併多逃亾蒼黃互號愬左右三五
未杜所言盡真悉俾我心駭怖茲行
所誠可惡喪亂民瘼深君王重憂顧
本綏撫在完固胡爲重刻剝上德阻
宣布明當抗封章爲爾除巨蠹

建德縣三十韻

東舟至建德頗愛山水清山水雖可
縣庭瓦爍存故基小小才有聽父老
邑頻遭兵大則吳楚交陳畢小則侯
刑逃者凍餒連窳者疾疫并所剩無
官府明令薄來撫緩曲盡父母誠流
離漸懷疇沈痾漸蘇醒田萊固多荒

未免賦役徵里長紛並緣科需取餘 羸語意殊可憐推言慰其情去歲郡
守朝綸音細叮嚀民爲邦之本本固邦則寧今而重傷殘救恤誠在卿營
廂澗中魚魚樂澗欲盈又如木載舟水激舟必傾此道垂昭昭卿等當力
行軍乏捐冗條力役止繕營治則待以寬罰則裁以輕耕稼勗有時教養
資有成苟或負所期憲度丞爾懲懇懇數百言官庶曾共聽矧是半月餘
提音下三城疆土益廣遠禮樂逾作興於叟宜勉旃行將慶昇平

東流縣

東流古名邑渺在江之千民居苦蕭條官舍亦苟完廡陋紛茅垣周翳
榛菅棗植行疎疎槐陰鬱團團觀此餘物清盍展規撫寬丞無兩松哦令
乏五柳散薄則頎而長或謂樵枳鸞容詢我初來偶滯風雨寒坐彼容膝
軒徐徐散憂端龍鍾數蒼翁再拜陳肺肝小縣喪亂餘人烟重凋殘百一
維幸存門孤戶仍單老者困以衰弱者傷以辱况復差役頻斯須未遑安
賴有父母慈桑麻慰盤桓撫字皆得人昭蘇固無難援筆題此詩考績時
取看

兩湖寄子栗家書

元年正月初運使諒江湖二月開衙門上下總怡悅明恩隆委任疎鈍愧
忝竊四月艸寇生民竄被殘劫場官殞八人煎辦頓阻節分司兩道出招
撫心力竭十月大課成幸且無虧折省垣諸公相繼燕每攀接和氣藹如
春魚水喜相得家有黃馬駒日夕畏蹠醫平章換青紫裁銀補膏缺因得
與子繁求婚細掄擇戊子王氏女偶與龜筮叶遂於十月間隨宜爲昏結
念汝一載餘音問成遠隔勞我晝夜思夢寐常切切恐汝疾病生憂汝門
戶迫道路常阻修端便不可索頗聞湖廣傳今年豐稔穡老懷雖少慰汝
信終未聞寥寥鄉里人惘惘嗟久別朝用心所親此際想疲甯治家誠不
易要自有規劃往昔唐棣生說令爲汝厄倍困增稅畝賦役苦重疊病根
堅及除此害最深刻其類繁有徒相妬每中熱汝但循天理勿與致辱舌
年來我身安第益鬚髮自行步甚輕快顏而亦光澤人皆愛我健言有術
生訣衛生能寡欲應在壽者列念念想吾蒲爲汝安第宅上疏乞歸因此
意已先決致仕許老臣綸音載條邇來復蘇州張寇就夷滅仲冬伐方
氏一月報三捷遣子赴京師懍懍端有德太平看有象登用多俊傑法度
尚嚴明分寸懼遠越漸添十九場塩課又增額錢糧誠重事利害非瑣屑

仲仲鬱深憂懷抱時瘡寒遣伴令趨婦於汝遂細說親眷好情密隣里要
和協種藝貴先時修身莫中輟小人須善處奴僕簡噴責樹爲丘隴看祀
爲宗祖設不可視泛常時歲忘造謁杭州古名郡來者常不絕題詩寄平
安老淚迸昏曉一一謝便知無狀忽老拙

逢仙嶺

處州松陽縣山也

逢仙之嶺皆懸崖下有溪水青於苔丹楓吹過水西去白鳥飛上岸邊來
行道一翁心甚急石磴陡破行不及前臨絕壑後深岩欲避前呵無處立
次韻陳廉使見寄

三月雰雰雨曾無兩日晴旅懷常寂寞佳節負清明野樹暮雲合山溪春
水平彭郎有音信處處避回兵

寧國溪上四首

繆幘山環水沿澗水繞山鳥啼山翠裏人語水聲聞茅屋連溪塢松舟繫
淺灣村翁驅犢處溪女得魚還
青山如舊識迢遞送行舟故里一丘樂歸心千疊愁樹腰紅日轉沙尾白
雲流李郭多仙氣飄飄想並遊

石髮連芳艸，溪花映碧苔。蕭霜千里思，明月一舟開。鼎沸茶初煮，爐香栗自煨。忽添詩興好，細雨白鷗迴。

野老歌仍和，篙師去復留。小花凝鶴渚，山翠落漁舟。竹徑歸黃犢，柴門度白鷗。二劉多好況，宗世子杯酒共綢繆。

闕縣尹

羨人齊拍手，官政喜清和。竹樹州光合，花封春意多。山中無吏跡，江上有漁歌。偃室如招士，龐公試一過。

次韻蒲察少府山人韻

白雲花影外，堂上一簾春。細雨溪橋路，孤烟古木村。有魚供醉客，無犬吠行人。把酒同遊處，梅花滿縣門。

送安舟中

溪徑斜斜入，柴門側側開。一牛臨水立，雙鴨避舟迴。病眼青山豁，歸心白髮催。何因菹浦上，野老共傳杯。

夜宿新河口二首

舟人勞暫息，癡棹近柴扉。月過漁舟迥，星流鷓鴣微。愁心千緒集，歸計十

年違只有貧如故，秋深尚舊衣。
舟定詢兒女，徐行却在。前析婦真，偶爾異處復。悽然裙幔穿，蓬絮等燈捕。
竹懸夜深，猶不寐枕上。計年年。

都昌懷舊隱二首

西齋風月好，庭艸到堦前。春服趨童冠，秋聲雜誦絃。題詩黃葉上，拄笏白雲邊。俛仰成今古，離愁爲黯然。

江霧仍爲雨，山花故作容。秋風餘鼠雀，寒水落魚龍。慷慨心雖壯，羈縶力已慵。白雲蘿浦上，悵望最高峰。

早朝武樓

兩閣花融禁籞清，六符星潤泰階平。紫雲華蓋連中道，金水芙蓉繞內城。
一語回天當國相，三呼動地復租氓。遠夷日見來朝使，方物紛紛効進呈。

早朝奉天殿

旭日曠曠啟奉天，百寮雲萃武樓前。青松綴玉傳甘露，紫笋浮花淪醴泉。
多士聽宣魚貫入，諸侯分直鴈行聯。白頭謬忝儒紳後，大本先容赴講筵。

午門闕上

旌旗旖旎集中衢日上金橋劍佩趨雙闕雲中開鳳扇六王天上捧龍輿
成均被命仍敷教大本承恩復說書殊渥無涯嗟未報幾回退食重踟蹰
二年十一月和暖如春上遊觀上苑名侍臣危素宋濂詹同吳琳
及觀等賜宴于奉天門東紫閣蒙御製一序賜之曰卿等各賦

一詩以述今日之樂觀詩曰

深冬晴暖動逾旬內苑遊觀詔侍臣五色慶雲開鳳尾九重麗日繞龍鱗
和鸞喜奉彤車御式燕慚叨紫閣賓淑氣已從天上轉人間無地不陽春

大本堂二首

翠葆葳蕤九鳳旗東華遠望立多時都堂啟事貂蟬集衛輪班虎豹馳
月綖珠簾陞講席花迎金輅肅朝儀六王炳炳前星後珠輝聯輝上玉墀
六齋帝子聯龍衮三鳥神仙列鴈行綉轂青鸞金羽蓋錦鷲白馬紫遊韉
御溝細柳雲生暖禁籞飛花雨送涼鄭國書聞能一一玉爐清畫爲分香
大將軍徐丞相平定中原振旅還朝上御龍江亭命儒臣賦詩迎

之應制一首

白旄黃鉞兩京平甘雨和風四海清師出萬全非用武將資三傑在推誠

蒼龍拔雨迎車騎彩鳳穿雲送旆旛
猷頌偶蒙天一笑行看作樂著功成

鄭國公常茂等授經大本堂

鄭國漸侯弟子群儲閣時得奉殷勤宮化細
泥研朱露禁柳微濺洒墨雲
御氣日從雙闕望書聲時徹九重聞
楚王可是推仁愛臨怕常容牛席分

舊大本堂

玉署儲書紫禁東宛然麟鳳穆清風
雲開奎壁天光合日射蓬萊御氣通
炬炳蓮花婦學士燈然烈杖致仙翁
詹吳宋樂皆時彥謨述承恩晝夜同

到三山馬汝舟家在常德欲託附書與李秦適安

蕭蕭馳馬憇三山遊子相逢一破顏
楊柳春風官舍靜桃花流水釣舟閒
棘端最險猴猶立華表維遙鶴欲還
早晚寫書來附汝陽城千里寄柴關

熊經歷聘

鼎字伯穎臨川人元末以鄉薦為山長參謀軍事
太祖親征豫章召見

吳元年徵授中書考功博士遷起居注出為浙江按察司僉事改山東副
使拜晉王相府右傅除參軍授岐寧衛經歷召還至西涼為參兒只把所

授事具宋景濂慕誌

夜雨中作

野處迥無隣，誰憐放逐臣。
關河萬里夢，天地百年身。
衣濕胡塵雨，瓊寒塞
艸春。何時老，鄉國白髮照麒麟。

長安懷古

立馬平原望故宮，
開河百二古今同。
南山雙闕阿房近，
北斗連城渭水通。
龍去野雲收王氣，
鶴巢陵樹起秋風。
英雄事業昭前指，
看取秦皇漢武功。

上巳日浴溫泉

驪山宮殿鎖溫泉，
天寶遺蹤故宛然。
綉谷春融丹井火，
金波月滿盪池蓮。
玉顏承寵專恩澤，
翠輦來遊惜暮年。
我亦逢時修禊事，
白頭空負麗人天。

周尚書滇

滇字伯寧，江寧人。
丙午秋以饒之長史陞湖廣都事。
洪武二年十月任刑部尚書。
二年正月降惠州經歷。

始發建鄴登龍江山祠感懷有作

去國思舊游，尋山發幽眺。
遙凌天門石，恍對臨海嶠。
神關列雄鎮，粉堞抱

遺朝天水遠自空雲霞近爭權客行始多感世事紛難料同俗豈素懶趨時固殊調既爲達士恥復被逐臣請塵泪應言垂江容帶愁照秋陰散微翳炎景扇餘燦行矣庶無欺忠信將可幼

池口舟中見九華山

貞履無素期勞生意恒窘誰云戒戎路曾是返初隱水宿淹長晷山行阻
修吟縹緲對雄標噴屹發奇蘊岩回氣如熿峯去勢猶引刻削冠青蓮雕
鏤蟲丹筍嶷霞上斑剝石乳下踰砌山鬼從文狸淵靈閭玄蜃睜言志藜
藿未遂採芝蘭卽事情已悲懷賢跡俱泯潛吳愧梅福去汶羞閔損入德
險未夷天道明可準臯蘭豈徒歇若桂芳未隕歲暮山中人結言候婦

賽小孤廟

育秀凌華嵩標奇奠淮楚陽關啓神闕陰沉開水府渾渾聚商軸淵淵聞
成鼓陳瑟會安歌傳芭紛代舞椒
分潔桂權方容與日暮懷歸情舍
望修渚

題營丘山房

周室疏封後齊疆啓國初流風看
後裔彤勝想遺墟水合如分魯山回似
入徐路疑登載處溪擬釣璜餘紅
樹臨關近青無際海疎傲賢方秦頌何
暇賦閒居

寫江岫春晴圖

汀洲碧草生鳧雁動春聲莫上高亭望能傷送別情

鐺司業松

松字子高初名楚泰和人七歲能賦詩洪武三年以人材舉職方郎中遷
北平按察副使坐事輸作京師還鄉十三年手勅名爲禮部侍郎署吏部
尚書請老十四年召爲國子司業卒于位清江鐺永之序其詩曰子高家
業儒甚貧兄弟三人有宅一區窮居數十年豁如也痛自策督日課一詩
其多至千餘篇天下大亂肢體轉側二十餘年不爲少折遭逢貴顯澹然
如布衣北平元之故都去家五千餘里惟一僮侍側已復遣還哺時吏退
獨處一室據几吟詠夜分不休其年愈老思愈壯詩愈工而宋景濂則謂
其以天賦超逸之才加稽古之力雕肝琢腎宵旰夕詠而又有得於師友
之資江山之助五美云備而詩子是乎大昌後千年而興者苟有其人非

劉君之作將能行之于遠乎國初詩派西注則鍾泰和閩中則張古田泰和以雍正標宗古田以雄麗樹幟江西之派中降而歸東里步趨臺閣其流也早究而不振閩中之派旁出而宗膳部規摹唐音其流也膚弱而無理余錄二公之詩竊有嘆焉江閩之士其亦有當于吾言乎

織女吟贈黃進賢

憶昔束髮初嬌倚雲錦機折花事戲劇笑詫身上衣一從十五時學向机中織絲短愁苦長梭緩心轉急永夜隔燈懸洞房門前梧葉零秋霜霜寒手凍絲緒亂絡緯悲啼金井牀春花更疊黃金縷花底青鴛蹴烟霧東風何日天上來擬奉瑤池宴歌舞十日滿匹恒苦遲一夕停梭生網絲持刀沈吟剪秋水粉泪欲落愁風吹遠懷素心人邈在千里道何由托交歡持此永相保東隣小姬昔同年至今盛飾爲母憐幾回月高鳴杼軸正是他家夜彈曲

秋夜詞

林鳥夜啼金井西蟋蟀在戶聲相泮中天無雲白露下漸見梧桐青葉低幽居此時愁獨曉蘭燈雙照蛾眉小歌聲恐逐迴風高掩抑水絃破清悄

絃中語語心自傷低頭却看明月光羅衣一夜惜顏色庭艸明日霑秋霜
甘心霜下艸祇在堦庭好不作白楊花飛飛洛陽道

芳樹篇

芳樹好容華深深映狹斜二月三月時千枝萬枝花夜舞留瓊佩春遊凝
寶車折榮遺遠者含思獨吞嗟

東方行

東方閃閃啼早鴉美人愁眠隔牕紗桐華樹下人來往銀牀轉轡夢中響

江南弄

江浦晴雲作水流鴛鴦哺雛花滿頭沙堤十里寒溘溘湘娥踏棹搖春愁
菖蒲葉齊寶刀綠珮魚雙剪琪花玉酸風吹雨不見人一夜啼痕綉叢竹

照鏡曲

蟠螭雙啣錦帶紅粧臺刻玉秋玲瓏綠雲忽開紫鴛舞明月夜墮香奩中
美人粧罷房櫳杳鸚鵡呼寒帳中曉拍簇花迎笑靨開低飛黛綠秋娥小
滿庭桃李各嬌春顧影含羞便惱人愁來獨掩雲屏宿手持寶釵扣寒玉
吳錦蜀粉暗消磨淚滿菱花奈別何不知昨夜愁深淺但覺朝來華髮多

秋興

中夜畏煩促起坐愛涼風明月在東壁流輝當井桐翩翩林鳥翔喔喔鄰雞起感時不復寐短髮聊自理

桃源

青林被重岡蒼石立絕澗冥冥松風迴高蔓弱可縮驅車鶴嶺下沮洳濕危棧微茫烟霞集披靡杉筠間高秋灝氣豁秀色紛屬聆芸芸澣纒子涉水恒及阡山女行負薪結髮垂兩卅年豐稔稻足食匆匆與叅呼吏不及門征租少稽慢銀坑重茶賦往往先月辦緣山八九家火耕習薊錐土屋桑樹高雞鳴日方晏清霜落原菽夕露沾畦莧吁嗟避秦人歷世乃多患豈知太平俗鎔甲未嘗環永宜曠士懷樂此謝游宦種桃實吾事荷耒乃不慣窮源愁日暮流水方汕汕嘆息行險艱南雲送涼鴈

鷗夫

日出西嶺赤鳴禽度高柵稍陟衣帶顛東夫屹危參側身忽旁斷擬步若幽探勃勃艸木霏高下皆浮嵐巨石當橫途始復一解驂崖古樹根瘦谷深人語含石角利攢劍遠山突堵箬何姑騎白鹿綠髮長鬢坐令婦女

昔奔走初春蠶千足動合沓秋色晚正酣駕鶴飛益高剛風迴東南我行
蒙翳中宵刺寧所堪山水能媚人夙性所樂耽奚能戀文字局促如鼯蟬
曠茲登覽際躑躅忘憂快振衣復少憇歷險不敢貪片雲觸石起流澤思
遠覃惜無展風翼照影雙溪潭

送孫景賢歸江東

客有敬亭思春愁何渺然謝公墩上月已照江西舩舩頭花亂飛醜酒發
鳴鼓四顧不成懽悲歌淚如雨壯遊南海上曾着從事衫驄馬青連錢馳
突開巉巖南歸阻艱難寄食賴江側多謝尚書公看客好顏色高筵列綺
饌賓客如流雲舞劍革人却談兵四座聞年華逐流水五見楊柳綠夜夜
夢故山浮雲滿岩曲茲行未可住卻望江東還人散井邑空烏啼烟樹間
殷勤候高堂次第訪嗟里山栗與木瓜離離照烟紫放舩弄明月躡屐凌
翠微春風久相待吹老薜蘿衣南平二月暮惆悵忽成別把臂共論心知
君有奇節東遊我所願遠作秋風期卻携采石酒高咏敬亭詩

送楊公望得滿字

君行服初命列醜當埃館賓從塞道周風烟激危管舟航既泛泛珮璫亦

翰翰滄江東流深浮雲北飛遠林含春雨潤石抱蒼山轉朝驅歷荆吳夕
秣邁齊充凌雲紫殿重栖日丹闕炬玉塞縹都城金河注林苑薇垣甚弘
敞天衢實夷坦風毛出西坂鶩翻翳雲罕誰論羽林直自足郎官選茂名
勗樹立令緒慎繼繼茲辰悵言別于餞宜樂衍日麗花氣薰鶯啼艸香暖
承恩責在早返駕焉得緩仰懷天外翻俯愧溝中斷竚立睇遐征城闔月
初滿

寄題金精山凌雲亭爲王太守賦

仙女謝塵匹歎歌雲霧間一朝乘雲去笙鶴渺空山山山翠石盤澗澗飛
泉響誰鑿洞門開峰前見仙掌虛圓若剖瓜中抱玉清家秋風石岩頂吹
下碧桃花桃花不到地化作雲飛去紫殿十二重重重映琪樹太守騎馬
來解鞍憩青屏馮虛斷山翠特起凌雲亭亭中秋氣高濯雪嗽丹井遙空
明月上欸見孤鸞影露下白石床滿林金橘香綠髮垂千丈祗今餘幾長
憶同姜煉師載酒上雲摘手把女蘿衣題名向東壁仙人久相待童往當
何時爲君掃苔石更寫凌雲詩

歎息行贈別胡思齊

歎息復歎息志士恒苦辛少日不得意暮年愧其身前有尊酒清且肯酌
酒奉君君莫止人生最樂在相知莫徇虛名輕斯池中屠販還封侯楊
雄艸玄空白頭浮雲不盡萬里意白日長懸千古愁南山之陰多洞府十
年不歸歎修阻綠蘿芳艸澹風烟君獨胡爲在塵土五雲館前花滿津紫
騮蹠蹠驕青春時禽鳥各自適燕子低徊還附人江風蕭蕭吹水急江
寺鍾殘野鳥集中吟咏眼看山細雨蒼茫愁獨立鄧溪澹澹秋水泥見
爾令我懼相携酒酣燕坐石盤嶺明月正在松林西近聞烟塵起閩廣官
軍駟馳日南上郡邑無人豺虎行道路蕭條竟安往我思舊遊湖水東昔
者登臨今不同常年九月章浦淨吳霜夜落青芙蓉芙蓉花開日欲暮美
人娟娟隔烟霧一段愁心化綵雲至今飛繞河橋樹今夕果何夕別君還
憶君古來賢達常坎坷慎爾出處超其群

醉歌行贈周仲常疇九江兼東許天啟湯又新二山長

奉君千斛酒不盡萬古情但令日日事狂醉何用身後留空名漢家當時
重公卿天子亦復稱聖明相如徒爲茂陵豪賈誼終作長沙行聽我歌奉
君酒顛倒英雄古來有朝客新豐莫帝庭昨日負薪今結綬我懷磊砢固

不平爲爾作歌翻若聲世無千金賞詞賦安得三顧求躬耕君才特達吾
所惜暫容風塵未爲失海鴈南飛羽翮高宛馬西來汗毛赤君家自是山
東人將相所萃皆竒珍著書未獻明光殿移家早住潯陽濱山東迢迢隔
千里不如潯陽好山水九江翠色天邊來百疊雲屏霧中起山有谷兮水
有秋昔人舊遊今人愁風湍雲水石壁下猿猴抱月鳴啾啾登高眺古頻
惆悵壯心飛揚而浩蕩青山不及蒼梧東碧海遙連洞庭上秋風落葉何
茫然鼓棹直汎章江舡黃公難頭醉明月吹笛絕似洪厓仙我留異縣歲
華晚客路遭逢謝青眼浮雲相別好相憶白日西飛未能挽吳鈞錯落紫
綺裘放歌醉舞雲中樓向來不盡萬古意寄君遠挂匡山頭君不見鍾陵
湯茂才又不見宜春許文學十年留滯困江城一日飛騰動寥廓昔者之
別今何如景星夜粲東南隅君行何以慰寂寞南帆一致溢江魚

題吳教授所藏黃大癡畫松江送別圖

是何山莽莽以橫雲水浩浩而生風天低江迤日欲落別意乃在蒼茫中
問君此圖作者誰浙東老人黃大癡松江先生舊知已眼明爲寫秋江姿
重坡欹岸東南遠木末參差見層巖蒼浦遙連楚澤深石林盡帶吳堤轉

是時先生從此歸把釣欲拂雲中晚長風過雨蒲葦淨水色淡沲沾人衣
只今又作筠州客惆悵松江渺雲隔離思猶迷鴈蕩烟歸心已歷洪崖石
我思大癡焉得從筆墨往往遺奇蹤艸衣騎牛髮如雪吹笛憶過天台峰
平生一筆不輕許傲睨王侯笑塵土屏圖坐對鳳山青却想高情動千古
若不開功名利達能幾何長安離別日日多瀟灑亭前春艸碧瀾陵亭下
春風波

憶昔行美達監州

聖王端居總四夷黃河安帖東南馳明明政化若流水禍亂之梗誰階基
咄哉事變異往昔黃鼓邪說非寒飢鬻然挾兵起川里誅殺長吏爲妖魁
絳繒烈火照山谷摧陷焚劫何紛披絕淮渡江徇荆楚千里一檣同傾危
漢江宮樹三月赤黃鶴低逐南飛鴟達官貴人履霜露寶玦夜墜珊瑚枝
荒山日落騏驎病極浦天寒鴻鴈悲南平百里據平衍豈有險阨當城池
紅塵一騎傳警急白日萬口悲流離我侯世臣之子孫出監茲郡貞而慈
憤呼歎起艱危際揮斥義勇如家兒拍天出誓肝膽露颯爽風吹玄武旗
丙防外拒張籌策思義結民民感之鼓聲徹雲戰鬪出往有死志無生期

坐開黃堂受俘誠太守自擁將軍麾風霆氣震隨闔關秦華壁立無偏敵
旄旄不動曉色淨刀劍錯出天光垂帳前眈眈立虎兕府中矯矯移熊羆
蒼茫殺氣薄雲漢雁隼奮擊當其時龍洲沙平萬馬集艸中白骨高於坻
窮冬霰雪自摧厲晴日柳梅俱華滋此邦不隨風景異闔郡實荷賢侯私
上連崆峒倚南極下決淪水開東陲風塵豈止廿四郡平原義士真吾師
褒功會蒙天子詔頌德早見邦人祠我瞻四方何感盛經濟允藉英雄姿
時平撫事增太息再歌憶谷補苦詞意長歌短不自已太史萬一觀民

詩

送顏用行歸吉水併柬康隱君

文昌進士顏夫子昔在符陽最知己春風携酒上方樓秋雨題詩洞山寺
當時結交翰墨場共言意氣傾侯王豈知風塵各鶩散此地不得同朔朔
君今只在瀘源上我亦南還窺林莽舊交零落海雲空夢裏驚呼色悽愴
往者山寇攻瀘源義門百口今誰存况聞親庭抱永痛妻子夜哭沙田村
欲歸無家出無僕兩年訪我城東屋長林春暉風雨交此日窮居轉愁感
柴門苦竹惟鳥啼流水繞屋生春泥苦無一錢沽酒飲坐據寂寞如枯藜

鼓笳連江清夜永短燭孤帷弔形影野麥陵陂老鴈飢寒風動竹枯螢冷
知君豪宕輕黃金感時亦復憂沉沉青雲若負壯士志白日難照愁人心
誰能短大事騎射空遺悲歌淚盈把却望文昌從此歸東行定過匡山下
匡山先生髮如絲十年不出真吾師便須晏歲高短鍾共來山中尋紫芝
題邊長文所画山水圖歌爲常伯敬賦

五月炎風扇長夏黃埃撲面湖堤下山水娛人未擬歸懶蘭軒裏看圖画
中峰九疊開芙蓉春雲盤盤上高松蒼苔遲未逢秋雨發百嶽似聽霜晨鐘
飛鴻指點向何處彷彿經行舊時路懸岩瑤艸不知名隔水桃花自千樹
問君此圖作者誰甬東邊郎風落青丹若綠水照白雪高典如在鍾山時
鍾山峯曉夾雲起六代繁華付流水芳艸長懷北國遊啼鶯曾識東山妓
當時二謝聲價同登臨到處遺高風釣魚尙寒江上騎馬踏雲空翠中
只今南遊歸未得日日臨圖看山色鳳凰一去來何時落日荒臺夢江北

春宴曲

大鼓作鼙鳴美人花間相對行忽聞橫吹座中起吹出雙雙寫鳳聲
鳳聲微茫作復止飛入青天綠雲裏當筵盛酒金屈卮酌酒勸君君莫辭不見

堂前桃李樹昨日花發今空枝東家作官開車馬西鄰從軍能騎射一生
長客邊塞開芳時不在鄉國下何如載酒鳴雲扣手折山花行唱歌少年
有酒不痛飲白髮滿頭君奈何

二月十八夜辭屋歎

城狐瞋睨鳥啄木主人驚呼夜辭屋忽聞官軍破城府號令新傳大都督
火燒排柵照夜光饒軍奔潰人馬傷快船直上春水發明日軍來安可當
貧家無時走軍馬少在家居多在野斷垣未補棘遮門敗壁無泥雨飄瓦
去年同行二十人今年一妻兼病身弟兄飄散兒女喪投杖欲往選地
人生辛勤理門戶暫去能不回顧開花不得待人看憤殺牆東舊桃樹

東家嘆

東家盛時厓卑促石地四隣起高屋亂來怕見門戶大還撤屋村作新賣
憶昔東家全盛時伐材作屋窮工奇上指雲霞起觚角下斷山石開垣基
椎牛醞酒萬夫集華館重樓事雕飾成明鏡動春雲宴罷珠簾夜光入
當塔血色射錦茵門前駿馬驕嘶春強奴悍豎擁軒蓋過客俯首方逡巡
一朝亂離俱散走大屋空令別人守近聞偷殘舊種花南池伐盡新栽柳

風椽雨壁何披離綺戶白日橫蛛絲昔人強作金石計此日謾同螻蟻悲
全家遠去無遺屨日落鼯鼯嘯飛葉離離烟艸門巷空時有隣兒拾簷鐵
十一日寇拔古城圍始出東門渡江遇爭橋者幾陷于水既渡賦

出自東門一首以自釋乙巳正月

出自東門言越廣阡狐彼驚風鬱其飛烟縹金錢兮昔鳴市無人兮艸芊
芊後有摩牙鼓吻之虎狼前有衝波百折之奔川上茫茫兮不能附鳥鷲
之飛騫下淵淵兮懼蛟龍之糾纏雖然踈踏不可以徑度況有白刃揮霍
交其前龍頭兮濺飛佛原兮綿綿雨冥冥兮雷闐闐羗獨後濟此兮嗟蒼
天

題華陽彭玄明所畫秋山圖

我不識華陽彭煉師見画雲山想句曲數峰暎色入遙浦六月泉聲動虛
谷紫霞樓觀當落日似有幡幢出林木海邊蓬首戴雲紅天際峨眉拂秋
綠昔聞天台鴈蕩相鈎連雲氣來往駕飛仙斷橋溪澗路如棘嗟爾策蹇
歸何年秋風湖曲波如烟我思東泛吳江船買魚沽酒綠荷渚吹笛夜下
松門前便尋煉師覓玄鶴却訪華陽窺洞天

題葛洪移居圖

前行白羊四角羸誰其駢者鬚鬢兒
獐獐一犬嗥而馳舉鞭護羊訶止之
背有囊琴結黑繩嫗後負畫策以追
少婦騎牛牛步遲兩兒共載兀不歇
大者坐擁班文狸小者索乳方孩嬉
母笑不嗔還嗔呼復有鬚者有童羈
引手向翁如反傲蹇驢嗅地行欲疲
兩耳逆豎愁風吹老翁龐眉方領頤
顛瞻妻子色孔怡似語前行路向夷
爾兄在前爾勿痴爾母正念爾追飢
高幘搗奚荷且持藥瓢囊襪何垂垂
有挾者柄相參差傍有二卷一解披
迹行苦忙奚不知我觀此画喜復疑
問翁爲誰莫可推或云葛令之官時
移家勾漏乃若茲人生多累在侈靡
如此行李胡不宜骨肉在眼無餘資
陳岩作圖真画師筆跡繚緲如飛絲
中有妙意世莫窺我吟將爲仕者規
如不見画當求詩

謁靖安昭靈廟賦東袁茂才

昭靈古祠蔚森爽祠下流波日奔蕩
啼鴉枯柳當兩楹落日青峰照銀榜
秣埽西阻蜀江口雲蓋風輿自來往
常時醜酒擊鳴鼓輒有靈風動虛幌
楚王宮殿久寂寞萬里晴雲色蒼漭
神龍自台嶼淵潛鳳鳥胡爲在羅網

此邦祠宇出何代恍惚湘楚同風壤石竹叢深山鬼愁江籬花落文魚上
清秋旅懷百憂集感子追遊慰還賞明時禮樂簡寰宇肯使忠魂滯榛莽
享儀每詔縣官給祀典猶聞宗伯掌捍苗禦患先故國憤義終能肅羣仰
湘南屯戍苦未休長嘯因之起悲愴

觀鄧侍郎石磬歌

侍郎諱光薦字中甫廬陵人宋季以禮部侍郎從衛王海上事
丞率妻子投海爲大軍鉤致不死張元帥弘範異之待以賓禮
嘗過淮河漁父家見盆盎上置曲石命滌視之有銘文焉則磬
也漁父云得之淮水中公以粟易之愛其文理精緻聲極清越
寶藏之將百年矣丁亥春余過公故宅其孫謙出以示余爲之
泫然以悲因賦七言歌一首紀其事

水中古磬世莫識扣之能鳴人始驚前朝文物寂博雅廬陵侍郎先得名
淮河東游色惆悵忍使至寶成凋喪蒼茫何代沒泥沙憔悴當時雜盆盎
歸來設虞當特懸扣擊往往遺音傳竒文漫滅科斗跡雨氣纏結蛟龍涎
是時周廟朝殷嘒師襄南踰歎修阻海門風起商聲哀萬里孤臣淚如雨

鳳鳥一去不可聞，宜爾孫子多才文。高堂出此坐嘆息，顏色猶帶崖山雲。
便令敬之慎勿褻，此物宜與天球列。百年隱顯自有時，蘊德含和竟誰泄。
嗚呼賢哲今不存，對之使我傷心魂。虞廷可登獸可舞，此石不毀應能言。

張氏溪亭雜興

艸閣經秋淨，柴扉近水開。霜林收橘柚，風磴坐莓苔。釣艇寒初放，樵歌晚
獨回。城南車馬地，欲往更徘徊。

再懷伯兄子中時有同客興國者從間道先歸兄以道阻後期不
果

貧賤輕離別，艱危昧死生。獨違同里伴，仍阻異鄉程。愛想深山愁，聞間
道行幾時。秋樹下慰此淚，縱橫。

玉華山

翠巘千峰合，丹崖一逕通。樓臺上雲氣，艸木動天風。野曠行人外，江平落
鳥中。傷心俯城郭，烟雨正冥濛。

舟夜次查口東蕭鵬舉

扁舟淞綠嶼，雙櫂折蒼波。秋氣水邊早，月明江上多。魚龍今夜冷，鴻鴈幾

時過去住關西典歌賦聽棹歌

寄周伯寧

江雨何時歇淮雲盡日飛誰知千里別還作故園歸露艸侵碁局風花上釣磯徒令南浦上山水憶清輝

出社下嶺望九洲流陂稻田可愛

渡嶺望平田人家隱翠烟村虛自鷄犬風物似神仙晚樹依沙立秋粳帶水眠幾時驅兩犢投迹此安厪

嘗山藥

誰種山中玉修圓故自勻野人尋得慣帶雨斲來新味益丹田暖香凝石髓春商芝亦何事空負白頭人

乙巳閏十月十五日聞永新破諸克就戮無遺喜賦三十二韻

鼓亂雄諸郡憑函跨十年荆湖延毒霧漢沔注妖躔鳥獸寧殊類龍蛇自一川羽毛初景附苞藥忽根連掠野時乘間攻城亦破堅捷螻蟻甚累係犬羊然里錄先鋒籍家亡世業田鯨吞那有間席卷欲無前割奪封疆盛侯乘節制專公侯妻喪狗奴隸歛登仙白日驚雷破天積雪懸存亡

覩貨賄喜怒信刀鋌誅責窮糶糶需求到雙輶寡妻牽雨後馮子負水椽
徭役家家急科徵處處煎田廬久焚落衣履極窮穿慘矣生民禍居然爵
土煽積金明別塲陳粟闕荒烟列地朱燈壯層城画堞鮮惟于譏玉體躍
馬鑄金鞭事楚終懷請盟邾或捭權郊端兵屢挫城下檄虛傳幸不催勅
敵能無感彼天假名徒虎負就縛竟蠟聯夜謀披心簪晨登奪沛旃列腸
劇狐鼠啄腦任鳥鸞嗚嗟何在繁華摠棄捐掃除應假手覆敗已駢肩
野昔耕無犢民今坐有毳飛霜收殺氣清旭麗居厯禾水春前綠屏山雪
後妍遺氓喜相勞早晚賦束旋

臘月朔日記懷十八韻

衮衮閑愁集堂堂急景遷殘冬惟一月旅寓向三年霜入絲尊美風掀錦
樹鮮義山通鳥道禾水漲蛟涎雨泣鳴蛩地雲愁過鴈天川光寒不動兵
氣慘相纏海上霞生燧城邊月應弦瘡痍未息疫癘恐相煽隴畝遲三
白山林負一屨感時何及矣撫事獨凄然膽落傳新令家貧食舊編依人
慚野蕪戀子劇飢鳶席破門懸雨庖空井闕烟躡山仍畏虎躡地祗憐絃
出感關途梗居愁賦調煎鹿門那可問桃水逕須沿未必弦真絕虛疑筆

可拍東風如解凍南谷且棲玄

寄范寶夫

細雨柴門生遠愁向來詩帖若爲翳
林花落處頻中酒海燕飛時獨倚樓
北郭晚晴山更遠南塘春盡水爭流
可能似別還相憶莫遣楊花笑白頭

次韻奉寄孟浩彥弘

幽人共愛溪邊住舍北舍南春水聲
聞雁不嫌時獨往到城應許日同行
亂雲長共青山黑白鳥偏依綠樹明
無限客愁誰斷送携壺長擬就君傾

贈徐山人

亂餘山水半凋殘江上逢君春正闌
針自持南天宵宵星猶拱北夜漫漫
漢陵帝子黃金盃晉代神仙白玉棺
回首塵千里別故園烟雨五峰寒

春日奉次羅筆簡鄭同夫

不見故人心惘然也應無賴枕書眠
閉尋艸艸日又暮盡落桃花春可憐
雲隔雙峰歸雁後水生三峽亂帆前
客懷藉思傾倒衝雨能來白馬羈

題珠江江口謝公廟

倒石源頭野寺開亂餘臨眺獨興哀
晚山隔岸雲霞出秋水滿江鳧雁來

王氣已銷陳帝壘客愁長繞越王臺烽燧西北猶傳警擊節酣歌首重回
雲亭蕭氏園池雜興次韻

竹底雛鶯盡日啼水風涼動小池西麝香眠起殘花落蛺蝶飛來碧艸齊
二水風鳴湘珮合三山雲壓楚鬟低冰盤宴客清陰裏次第詩成石上題
仲冬二日由下徑輿疾還珠林悼風景之頓殊幸茅廬之無恙喜

賦一首

村橋路斷日無光不似常時入故鄉野鼠穴糧依蔓草田鳥嚼紙上枯桑
偶逢遺老兒孫盡欲問西鄰井竈荒慚愧竹西池上路依然風雨一茅堂
入城

江水依然抱石磯獨行空感舊遊非晚山當戶日初落秋艸滿城人未歸
田鼠引羣穿井出山雞求食傍簷飛向來車馬東門路忽憶朋遊泪滿衣
喜家僮至

西行幾日雜柴扉還說來時燕子飛日射水池魚吹水春萍薄野鳥窺巢夏菓稀
早晚歸來酒應熟便携稚子笑牽衣
訪王子讓大村向居借書戲題壁間

村前流水宛如環村後荒城隱可攀當戶雨
杖藜麥隴秋霜後尊酒茅堂夕照間閉有古

寄萊州太守趙圭玉

憶在兵曹三四年君留東署我西偏檢書清
借馬獨行緣送客聞雞相喚去朝天論交亦

早春燕城懷古 三首

金水河枯禁苑荒東風吹雨入宮牆樹頭槐
北口晚陰猶有雪薊門春早漸無霜城樓隱
宮樓粉暗女垣欹禁苑塵飛輦路移花外斷
酒坊當戶懸荷葉兵壘緣渠插柳枝不見當
海內蒼生困亂離宮中舞女闌腰肢金渠水
松樹盤空皆偃蓋柳條拂地更垂絲迷樓不

入東坑

東坑石路入雲堆東岬人家倚岸隈半沼紫
澗寒野鳥還爭聚山暖岩花只自開却望松

苔雙石峻隔江烟柳數峰開
書人少見柴門客去又長闌

夜燃官燭沽酒常時數俸錢
有胡兼許此日天涯各惘然

子乾未落沙際艸芽青已黃

映山如戰笳鼓蕭蕭送夕陽

橋支屬崑艸間壞壁綴累恩

年歌舞地空餘松栢鎖荒祠

暖龍船出彩檻花香翠輦移

獨江都恨鳥窠龍沙更可悲

萍風乍過一林黃葉雨初來

楸生暮色重來悵望使心哀

過湖口縣

佛子磯頭遡客舫，南湖高柳記沙汀。水分彭蠡溶溶綠，山送匡廬冉冉青。
雨過人家收鴨早，日高網戶晒魚腥。故園此去猶千里，安得乘風破杳冥。

寄鐵柱觀左鍊師

紫霞樓上左仙翁，還在南塘在玉隆。飛闕虛皇雲影外，亂山騎虎月明中。
銅駝荆棘秋風落，鐵柱波濤海氣通。別後玉簫渾少聽，令人長憶萬年宮。

秋日過汶溪義塾承蕭國錄有詩謹用奉荅

汶溪新製小茅堂，也種山楸間水楊。舍近雞豚還共食，春來魚鳥自相忘。
松陰客去書連屋，花底鶯啼酒滿床。却憶東華聯轡出，午門霜月漏聲長。

雨夕柬鵬舉

入春已過五十日，晴景都無三四朝。雲去雲來山杳杳，花開花落雨蕭蕭。
青絲送酒銀瓶暗，彩筆題詩絳蠟消。東嶺幾時明月上，山闌芳樹聽吹簫。

古意

仙女不照鏡，愁來看深井。井底那得風，搖波亂人影。

楊柳曲 三首

種柳城南河水邊青枝拂地盡含烟柔絲若有千千尺應繫儂家滂子船
種柳城南河水傍常年二月好春光晴風暖日無柳賴只聽鶯聲也斷腸
金縷織成歌舞衣年年江上惜春暉無端心性輕離別待得花開只解飛

予自去冬閏十一月遣人還泰和迎候余弟子彥與家人偕來今
經九十餘日矣未知果來否燈下獨酌有懷悵然援筆題此
首

南北相望路七千南風只有中鹽船故鄉消息何時發縱得書來是半年
稚子家人俱可憐江南烟水路綿綿開船好是燒燈後下馬何由醉眼前
轉覺別來俱老大四年不見索愁何直須燈下狂呼酒比較何人白髮多

送別叔銘出順承門

送客出城秋已涼太行南上楚天長順承門外斜陽裏蕎麥花開似故鄉
蒼石峽中見道人菴居隔水山花盛開

蒼石峽中花藥欄舊時艸屋傍岩安道人去後松橋斷縱有花開隔水看
叔銘以紈扇索余題詩因戲作叢竹于上仍繫以詩

家住江南青竹林別來無日不關心偶然寫向齊紈上便欲移床坐綠陰

偶賦

內官宣進瑞瓜詞閣闔門深晝影移東苑紅橋楊柳下曾因待詔立多時

正月十九日

金魚洲下放船開華石潭邊看雨來愛殺南天雙白鷺青山盡處却飛回

春晝

池南歌柳燕將雛門巷新晴轉綠蕪花隔小牕人不到一簾香霧闌樗蒲

入狹潭

水上石山森劍鋸水中石屋是魚房秋來水落月未出魚眼射波如火光

題秋江小景画

美人鳴弦思瀟湘斜飛金鴈不成行夜深彈徹烏棲曲月照寒江萬樹霜

廣州雜咏四首

鯽魚潮退餘溪濁牡蠣蟻高結海沙紅荳桂花供釀酒檳榔萋葉當呼茶

椰杯深貯荔枝漿桂酒新調蘇合香啖客檳榔紅齒頰喚人鸚鵡綠衣裳

越童蕩漿唱變歌山女簪花艷綺羅沙港關船潮退早蜃灰塗屋雨來多

峭壁崩崖江水邊深山日暮見人烟滄波杳杳連三峽寒艸清清自一川

劉僉事丞直

丞直字宗弼章以人至正辛丑進士額人第進士白宗弼始丙午春爲國子博士丁未秋升司業拜浙江按察司僉事王子充論其詩以尤工選體出入鮑謝之間

燕章光遠宅

薄暮沐時雨凌朝陟崇山澗雲去復來流水清且閒寒裝俯茅屋高論激晴瀾層軒旣顯敞好鳥鳴間關樽意殊樂劇飲未言還何當脫塵鞅共卧青松間

賦落花以宋元憲金谷樓危到地香得香字

英華本天性開謝任年光自是春風收那因夜雨傷低迴飄綺席荏苒度雕墻翠霧當牕合紅雲匝地香點泥登燕壘添蜜入蜂房剪綵誇西苑成粧詫壽陽角哀番塞曲逕遠誤漁郎但使靈根在重看錦樹芳

秋日東林宴坐

高秋坐虛館颯然神慮清迴颺颺疎雨瀟灑集前楹始欣塵雜遠稍覺微涼生簾鐸遙相答林蟬時一鳴物情各有適吾生豈無營

題孫子讓山水

斜日在松杉千崖噴色酣山蕪五柳宅路轉百花潭亂石明蒼玉遶峰露碧簪終希陪妙躡來此脫征騾

題鮑典籤芳塢隱居圖

幽勝似仙家緣雲石磴斜陰崖留積雪晴樹亂明霞寺遠時聞磬溪深未沒槎抱琴來谷口多是識桃花

黃尚書肅

肅字子邕新城人元季官禮部主事自北平來見上命仍故官明年升侍郎已降郎中工部陞侍郎洪武五年任尙書明年出叅政廣西後坐黨禍其詩集王子充爲序

詠懷六首

少壯好遊覽不知中道憂方茲懷故土眷此成淹留闕蔽朝暉玄雲陰以浮徘徊當永夕嫵婉將焉速棲鳥翔不息鳴蟲亦啾啾人生無定止卒歲何能休

馬瘦足力短士貧心志窮相如豈不偉滌器難爲容憶昔擅詞賦左右能

生風黃金資費

川意氣自填胸。速遭勿復歎。命達皆慚。

流水日夜流。厚

土胡不盈。人生自不已。四運有相承。達士識物化。昧者徒

營營蕩蕩。晨風

來悠悠。天宇清。會當撥俗惡。聊復從吾生。追呼心所歡。置

酒坐中庭。忘言

勿復辯。觴盡還復傾。

有酒既已飲。茲

愁仍復生。何如長戚戚。憂患有相并。日月迭更代。何能久

安樂。唯當委薄

質。允矣將微誠。君心苟有察。婉孌餘芳馨。誰謂在咫尺。邈

若萬里。程明明

亮自適。靡靡詎遑寧。

中園桃與李。灼

灼有奇花。彼姝將折贈。遐思在天涯。此花傷天折。爲歎女

容華。盛年難再

遇。豈得長修姱。夫子新好合。不能思故家。欲因歌此曲。此

曲令人嗟。

匣鏡三十年。塵

暗不復治。停食且不寐。所思知爲誰。宥子不復返。眇在天

一涯。綻衣終當

組道遠。何能持明明。天邊月三五。入中閨。念與子。懽愛不

得同。光輝寤言

相與共。既覺將何依。

白頭吟

長絲弦聲緩。短

絲弦聲急。長短苦不齊。抱取向郎泣。明明皓月三五圓。缺

念我所思中道而別噉噉雲中雁北風聲烈烈願寄一行書與郎相訣絕
泰山高崑崙海水不見底妾心終不移研山枯海水

短歌行

來日苦少去日苦多人生不滿百痛當奈何當復奈何不如沽美酒置此
高堂上與君長笑歌峻坂無停車急川無停波不如沽美酒置此高堂上
與君長笑歌人生不滿百當復奈何痛當奈何來日苦少去日多

長相思

望歡城南頭覽取別時路路邊有深井井上有雙樹樹有東西枝枝葉盡
相附去年東枝榮今年西枝悴年年望樹枝樹發行人歸

仙人篇

翩翩騎白鹿言上泰山頂俯觀浮世中不見百年影道逢古時人綠髮被
兩頰授我採藥訣延年保壽命我聞再拜跪問是何方求撫我挾我肘與
我上天遊天上多桂樹枝葉何脩脩折取忽盈筥馨香霏我裘何因人君
袖道路長悠悠

客中春懷

竹裏山雞啼未休江南二月景如秋半簾花雨寒欺袂一片江雲晚倚樓
亂世青春如過夢少年華髮忽盈頭故園動是經年別滿眼干戈添客愁

牛尚書諒

諒字士良東平人寓吳興以秀才舉洪武六年二月任禮部尚書七月降
主事八月復任十二月免

畫梅

梨花雲底路參差折得春風玉一枝南雪未消江月曉欲從何處寄相思

紅梅

隴頭人未來江南春幾許惆悵玉簫聲吹落胭脂雨

庚戌五月十三夜夢侍讀先生枕上成詩侍讀張以寧也借諒奉

使卒于安南

出使艱虞萬里同歸期日日待秋風寧知永訣蠻江上纔得相逢客夢中
岸幘尚看頭似雪掀髯猶覺氣如虹起來投淚凭闌久落月啼螿遶殞宮

破窓風雨晷

風雨東南接漏天客窓吹破碧紗烟十年世事關心曲一片秋聲到枕前

花落不妨尊有酒客來未覺坐無氈
老子曾覓蘇端隱藜杖春泥綠水邊
未尚書夢炎

夢炎字仲雅進賢人元進士入國朝爲太常博士遷翰林脩撰出爲兩浙
按察司經歷洪武十一年任禮部尚書九月卒

和顏子中韻

曾折蟾宮第一花西風吹袂向天涯
班生萬里空投筆漢使三秋獨泛槎
朔漠離愁成白髮南州鄉夢起清笳
歸來恥學梁江總只傷青門學種瓜
寫韻軒

掌籍江河誤泄機幾年謫降學書癡
晴窓滴露花搖席午夜揮毫月滿帷
綰得春風畱鳳帶畫殘秋水照蛾眉
從今了却人間事一曲鸞簫跨虎吹
錢塘二首

萬戶烟銷一鏡空水光山色畫圖中
瓊樓燕子家家酒錦浪桃花岸岸風
畫舫舞衣回暮景繡簾歌扇綠春紅
蘇公堤上垂楊柳重來試玉聽
吳越山川勝槩多綵雲樓觀鬱嵯峨
晴嵐日照芙蓉影細柳風生翡翠波
楚客寄詩時見明時與源抱瑟宵相過
片恍明日江東去尚憶樽前對酒歌

李王相質

質字文彬德慶人元末以府掾聚兵二萬人保障封川肇慶新昌德慶四郡凡十五年金城歸附授中書斷事遷大都督府洪武五年任刑部尚書出叅政浙江終靖江王相弟文昭子伯震皆能詩

玉臺驛亭子

春去臺空迹已陳危亭傑出澗之濱清溪繞屋可濯足好鳥隔江如喚人明月委波金潋灩青山帶雪玉嶙峋桃花流水非人世或有漁郎來問津

過揚州

三十年前記此過皆春樓下駐行窩十千一斗金盤露二八雙環玉樹歌自昔瓊花祠后土至今荆棘卧銅駝江都門外王孫草怨入東風綠更多

吳尚書雲

雲字友雲義興人洪武初授弘文館校書郎任刑部尚書叅政湖廣奉詔招諭雲南死之

送李民瞻侍郎宣諭陝西

侍郎將命出金鑾道路傳呼遠近懼關內官曹迎使節秦中父老識衣冠

雲開太華三峯秀水遶黃河九曲寒寄語渭川千畝竹西風還解報平安
予嘗爲渭川丞故云

題周伯寧江山送別圖

江山天共遠無限別離人去長亭在空餘落雁聲

蘭府尹以權

以權字世衡西河人博學能詩洪武中選授中書省照磨以安撫廣西功
陞禮部員外郎進應天府尹

題越上人臨清軒

塵境不可居飛錫傍流水高檻接空溟新綠渙如砥孤影過寒鴻悠然逝
羣鯉所以川上人於焉契斯理卜築擬幽棲兼足浣塵耳愛此春雨餘波
光淨禪几

吳殿學伯宗

伯宗名佑以字行金谿人洪武辛亥初開科高皇帝親製策問擢爲第一
授禮部員外郎十四年拜武英殿大學士是冬降簡討

賦得羅漢洞送陳宗進歸會稽

古洞根石壁嵌空隱崔嵬昔有異人拄杖會一來靈跡已緬邈洞門閉
青苔枯木寒未花千年待誰開屬茲休明運百里紆良才德星麗中天移
影照蒼厓鸞鳳詎棲枳覽輝設徘徊早見丹穴雛志欲凌九垓定首方纒
綵歸期忽相催還轍過湖口驛路隨縈迴吾知青雲興却繞蓮花臺風高
墜落木歲晏舒寒梅明登會稽頂想像遊天台臨期重回首兩地心悠悠

題李氏棲碧樓

唐有謫仙人風骨特高妙晚愛栖碧山開心付登眺桃花與流水日擊領
其要超觀窮有象幽討入無微不知誰相問但覺遺一笑聲落天地間松
風紫鸞叫諸孫企高躅異世頗同調瓊樓榭空青銀榜生光耀予亦愛其
人臨風劃長嘯

李尚書克正

克正初名頤後以字行字宗頤豫章人丙午春國子監學正歷助教改涇
南縣丞遷興化知縣召爲禮部員外郎拜監察御史瓊州府吏告其守進
表公座僉名鞠之抵吏罪上喜超授禮部尚書年六十四卒

送呂君采史北平

八月烏啼海子橋南來使客下青霄雲埋石室丹書在日落延秋翠輦遙
麟史未全歸聖代龜文猶得認前朝詞臣載筆需文獻莫遣回車久寂寥

林翰林公慶

公慶字孟善括蒼人洪武三年知松江府梁寅集有天界寺中秋與林孟
善翰林分韻詩

賦得明月樓贈孫伯融

兩溪合流涵太虛白龍簸弄摩尼珠玉娥捧盤不敢去孚尹散入仙人居
仙人乘雲遊汗漫瓊簫寥寥度銀漢對酌北斗依上台玉宇珠宮露如霰
鳳臺神馭不可留春風花開帝王州夫容峯前舊時月夜夜長照溪上樓

長沙三絕句三首

定王臺上關中土西望長安多白雲賈誼才高空有賦河間博雅更無聞
太傅兒孫多濟美東陽絳灌少聞家欲尋遺井無人識蛺蝶飛來薺菜花
蒼麓道林何處是郡人遙指水西村儒宮佛寺俱無迹竹樹如麻暮雨昏

桂右傳德稱

德稱字彥良以字行慈谿人元末聚徒山中交辟不起洪武六年待詔公

車以白衣錫宴除太子正字十一年除晉府相右傳十三年華相府改長
史十八年以風疾賜歸鄉里卒于家

送田仲茂宰入四川

大門傳制拜新除西入成都萬里餘江上好風催去棹邑中故老候來車
巴園五月收丹橘丙穴三春饌白魚却憶文翁遺化在何因公暇說詩書

列朝詩集

甲集第十四終

列朝詩集

甲集第十四
補詩

劉司業崧

少年曲

乍出連章宮，還過酒肆中。
聽歌留寶劍，數雁試瑠弓。
烟艸一片綠，風花千點紅。
馬嘶騎不住，直驅渭川東。

題唐玄宗行樂圖

宴罷微行禁苑春，諫臣漸遠弄臣親。
峨嵋山下秋風道，能說幾時有幾人。

題折枝牡丹圖

華清野塵未曾來，孔雀屏深扇影開。
九奏樂停春日午，綠衣初進紫霞盃。

雨竹

滄波石面晚陰涼，翠篠娟娟過雨香。
何許鷓鴣啼不斷，黃陵祠下是三湘。

林翰林公慶

輓楊廉夫先生

先生母憂在而先生號缺龍

金蟾飛出顧兔腹，化作缺龍驚世俗。
丹黃爲蠶翠爲麟，日吐明珠千萬斛。

龍幽扶恠探玄微，吳腐鍊成神奇與。登鄒枚汗籍，並驅揚馬爭先馳。
大廷先鳴誇穎出，兼葭霜氣橫秋日。旄頭不蝕奎壁輝，鏡門躍治多奇質。
海寰城東住十年，有宅一區名神玄。花時橫笛吹紫玉，醉攜紅袖觥金蓮。
人言此翁多媚嫵，誰識平生用心苦。鑄人決壘得黃金，不買昆丘一杯土。
玉函碧籙生孚尹，白骨未必爲黃塵。道者欲式鍊，唯噴鍊雲之下，贈龍文。

列朝詩集

甲集第十四
補人

吳尚書琳

琳字朝錫黃岡人召爲博士歷浙江按察僉事入爲起居注洪武三年吏部尚書出知黃州後以老致仕

烟波亭

漢水連天闊江雲護曉寒青山數點最好倚闌看